

125




di PP Scholoni Pietro Pantaleoni  
ex Reg. di. Tr. di. Rubric

~~66~~

~~IV~~

~~13~~

12  
16  
5  
32





CASPARI BARTHOLINI

THOM. F.

EXERCITA-  
TIONES


MISCELLANÆ

*Varii argumenti inprimis  
Anatomici.*



LUGD. BATAV.

Ex Officina HACKIANA, 1675.





*Illustrissimo & Excellentissimo*

HEROI

DOMINO PETRO

COMITI IN GRIF-  
FENFELD,

DOMINO DE SAMSOE,  
BRATTINGSBORG ET  
WISBORG,

NOBILISSIMO ORDINIS  
ELEPHANTINI EQUITI,

EQUITI AURATO ORDINIS  
DANEBROGICI,

\* 2

SACRÆ

SACRÆ REGIÆ MAJESTATIS  
MAGNO REGNI CANCELLARIO,  
CONSILIARIO INTIMO,  
PRÆSIDI IN COLLEGIO  
STATUS & CANCELLARIÆ, &c.  
PRÆFECTURÆ TONSBERGENSIS  
GUBERNATORI REGIO, &c.  
ACADEMIÆ HAFNIENSIS  
CONSERVATORI,  
MÆCENATI & PATRONO  
S U O  
BENIGNISSIMO

S. F. Q. P.

CASP. BARTHOLINUS TH. F.

Acci-





Accipe, Illustrissime Mæcenas, fere-  
no vultu primitias has Juveniles, quæ  
in Ara favoris Tui re-  
positæ, tanti Nominis  
patrocinio superbire ge-  
stiunt. Tenebris illæ ve-  
rius dignæ quam luci vi-  
debuntur, nisi radiis illis  
Tuis illustrentur, qui-  
bus omnes omnium sci-  
entiarum partes immen-  
sa ingenii & eruditionis  
vi percurris, & singulis,  
ceu Phœbus alter, lu-  
men clarissimè mutuaris.

## DEDICATIO.

Iisdem splendoris Tui  
radiis Septentrioni uni-  
verso, arctioribus gelu  
compagibus jam rigenti,  
florentem annum & per-  
petuum calorem inter  
frigidissimas nives, vel-  
ut Pæan, reddis & con-  
servas. Nec minoribus  
favoris summi auspiciis  
nobis affulges, qui Mu-  
sas nostras tam benigne  
habes, ut quamvis sub  
alieno sole Brumæ frigo-  
re rigentes, per Te ta-  
men incallescant, cum  
mitem

## DEDICATIO.

mitem gratiæ tuæ auram  
adspiras. Rumpunt il-  
læ ignobilis taciturnita-  
tis claustra, ingentia Pa-  
troni sui merita, immor-  
tales virtutes orbi decan-  
taturæ, haud nesciæ, ma-  
jus fidus hætenus non  
illuxisse. Te intuentur  
Deum, sed mortalem, Te  
hominem venerantur,  
sed cui scientia divinita-  
tem, virtus tribuit im-  
mortalitatem. Tu in  
summo, sed infra meri-  
tum tamen, honorum fa-

## DEDICATIO.

stigio, immensa, sed supra fidem, merita cumulas, quibus etiam Deos demereris. Verbo dicam quia calamus deficit: Cum adsit Prudentia, nullum Numen à Te abest. Igitur tanto vindice lætæ Musæ innocentes, non timent iratum Herculem, cui invicta manu se opponent. Tanto Patrono tuti, qui sacramentum Apollini diximus, non monstra, nec Marfyam, si sit redi-  
vividus,

## DEDICATIO.

vivus,metuimus,quibus-  
cum exoptato felicitatis  
eventu congrediemur.

Te enim Tutore suum  
Musis constabit decus,  
virtuti gloria. Te sospi-  
tatore Patria Academia  
florebit,vigebit Lycæum  
Te Præsîde. Sub umbra  
Tua, sed quæ omni luce  
illustrior, caput exferet  
Theatrum Anatomicum,  
cui me immerentem ex  
Regiâ clementiâ favor  
Tuus destinavit, nec fœ-  
dum squalorem nec tri-

## DEDICATIO.

ste senium amplius minabitur, sed in salutem Tuam, quæ communis nostra, & patriæ, prudentissimis Tuis consiliis fultæ, honorem jam conspirabit. In Mæcenatis incolumitatem ipsa Anatome omnes vires conferet, ipse homo se totum eviscerabit, tot latices, tot recéssus referans, tot mirifici textus fibrillas, tot funiculos retexens, quot ad Tuæ valetudinis perpetuitatem rima-

## DEDICATIO.

rimabitur Hygeia & experietur. Quocirca cum inter eos, qui doctiorum papyrum exercent, neque hic Naturæ campus Tuæ virtuti & multiscio animo invisus sit, demitte quæso ex infinitis illis tuis unicum radium, & protinus ingentem lucem foenerabimur ad artis susceptæ perfectionem. Nec id miraberis, si pressius rem, ut soles, æstimaveris. Fallunt subinde rerum species viliori

## DEDICATIO.

ri imagine septæ, quâ  
detractâ, jam grandis il-  
la Naturæ majestas na-  
tivo colore elucescet.  
Tu igitur, Literatorum  
dulce decus & præsi-  
dium, me Naturæ inter-  
pretem penè elinguem,  
sed in Mæcenatis, qui  
Naturæ Genius, laudem  
disertissimum, respice ea  
Heroici animi facilitate,  
qua devotissimos soles.  
Et fanè videtur innata  
Tibi humanitas, quam  
inter tot honorum blan-  
dimenta,



## DEDICATIO.

dimenta , illibatam con-  
servas , mihi veniæ præ-  
fationem impetrare ,  
quanquam majori auda-  
cia quam verecundia  
peccem. Devoti clien-  
tis animum in his , quæ  
submisſe offeruntur , ex-  
cipe , donec majora ſup-  
petant , meisque ſtudiis  
benignè favere perge , ut  
ad maturitatem tandem  
Te auspice perducantur.  
Vive porro Orbis mi-  
raculum , exterorum ſtu-  
por , Patriæ ſalus , om-  
nium

# DEDICATIO.

nium amor, & animam  
illam tot dotibus illu-  
strem, cœlo debitam, fe-  
rò redde cœlo, futuræ  
posteritati superstes.

*Lugduni Batavorum Cal. Februar.*

*Anno Renatæ salutis*

MDC LXXV.


CAS-

CASPAR. BARTHOLINUS

THOM. F.

LECTORI SUO

S.

 Diis non minorum gentium origo nobilissimæ Mendendi scientiæ repetenda, quæ incolumitatem etiam suam magnis Sospitatoribus acceptam refert. Postquam enim obscuris exilibusque, ut omnia, initiis, diu muta atque ignobilis in Apollinis sacrario delituerat; tandem nova quadam à Philosophia sequestratione in certas Præceptiones formata, conditore Coö sene, auspiciatò in publicum prodiit: necdum tamen ita Rationibus Usuque firmata, quin infelici Novatorum quorundam secessione corruisset, nisi labascenti

## P R Æ F A T I O.

*bascenti Galenus oppidò extremum  
 robur afflasset. Sed nec ea ab ipsius  
 obitu diu illibata fuit. Methodus,  
 nempe, universa, Artis anima, cum  
 restitutoris suo Græcis fermè perierat.  
 Verum Populi Romani coloniis reve-  
 renter benigneque habita, cum Impe-  
 rii magnitudine feliciter adolevit.  
 Inclinatorum demum rebus Romanorum,  
 vi Saracenorum Græcis ac Romanis  
 erepta, adque Arabes & Mauritanos  
 traducta postliminio Græcorum ob-  
 stetricatione in Latium rediit. Sed  
 gentis ac seculi vitio mendis innu-  
 meris adeo fœdatis ac infirmis, ut vix  
 à suis agnosceretur. Fuere tamen qui  
 leta hospitalitate amissum ei decus  
 reparare conati. Ita priorem curam  
 reposcebant Græci, ut Antesignani:  
 quibus*

## P R Æ F A T I O.

*quibus salvis, Latini, horum velut Emissarii, paulatim vigorem reciperent, & , quæ jam ferè quasi decoxerat, senectus artis, veluti redditâ juventute, reviresceret. Hinc Celsum aliosque longa serie secuti posterius, quibus tam fertilis laborum & laudis materia data. Et jam illud attigit culmen Artis dignitas atque magnitudo, ut uno itinere ad tot Naturæ sacra, ejusque intima penetralia perveniri non possit. Tacebo Anatomicorum dexteritatem, qui his seculis eâ ascendere, ut vix ulterius perveniri possit. Philosophorum subtilitatem præteream, Botanicorum sedulitatem, Prætorum observationes, Chemicorum secreta. Tot & tanta sunt in artibus his communi*

\* \*

*Vin-*

## P R Æ F A T I O.

Vinculo sociatis, ut omnia non sint  
unius vel ætatis vel hominis. Præ-  
terea ingenii humani sive curiositas  
sive facunditas diversa adhuc animi  
exigit studia. Ego, præter Apollinis  
sacra & intimioris Naturæ penetra-  
lia, amœniores Musas secutus, ad  
Antiquitatem ita anhele, ut extra  
eam etiam aliquid sapiam. Quare  
si in utroque studio me gloria publi-  
candi non tam ingenii, quam dili-  
gentiæ, protraxerit in medium, nolo  
temeritatem vel audaciam in ætate  
mihi objici, qui cupio non ætatis,  
sed virtutis & diligentiae modulo  
metiri. Paterno exemplo didici vel  
maturè senex fieri, vel Juvenis ea  
sectari, ut omnia bona in spe ha-  
beam. Omni ætati Natura patet,  
que

## P R Æ F A T I O.

*quæ non cunctarum rerum prudentiam  
canis dedit. Videor tamen mihi ve-  
niam mereri, siquidem in omni genere  
scientiæ ut summis admiratio vene-  
ratioque, ita inferioribus merita laus  
contingit. Quocirca si hæc diligentia  
πρωτοπατα minus ad Eruditorum  
censuram & Doctiorum palatum;  
cogitent spero, iis, quæ Juveni sub-  
cisiſſis, inter seria & morosa humanæ  
miseriæ spectacula, cogitationibus,  
exciderunt, humanè indulgendum,  
quod rerum diversitas impetrat: quam  
peritiorum nemo intentionis aciem ob-  
rumpere negabit. Quid multa? Bo-  
nis in rebus conatus in laude, effe-  
ctus in casu est, & summum cul-  
men affectantes satis honeste vel in  
secundo fastigio conspiciemur. Ave,*  
\* \* 2
mi

# PRÆFATIO.

*mi Lector, & fave conatui, ut ti-  
bi Muse.*

Pater-



Paternarum Virtutum ex asse  
hæredi Filio

CASPARO BARTHOLINO

THOM. FIL. CASP. NEP.

*Cognato mellitissimo*

EXERCITATIONES  
MISCELLANEAS

*Edenti.*

UNcta cruore alias exercent spicu-  
la gentes,  
Et bibula alternas haurit arena ne-  
ces.

Te simul exercet, posita sed Gorgo-  
ne, Pallas,

Et jubet arma togæ cedere, tela  
libris.

Instructæ sunt CHARTÆ acies, tibi  
penna verutum,  
Castrorum præstat Bibliotheca vi-  
cem.

\*\* 3

Ebria

Ebria Chalcantho quernæque nigre-  
dine gallæ

Lympha, Tibi pyrii pulveris instar  
adeſt.

Ingenium exerces, ſeu pubeſcentia  
luſtras

Germina, naturæ parturientis o-  
pes;

Seu febrim, miſeras quæ torret an-  
hela medullas,

Et data Circæâ toxica fraude, do-  
mas;

Seu Tibi ſanguineo ſudantes rore la-  
cunæ

Et conferta novo lacte fluentia pa-  
tent;

Sive medullares cryptas, oculatioꝝ  
Argo,

Seu lymphæ monſtras limpidioris  
aquaſ,

Qualiter humanis circumfluus artu-  
bus humor

Circinet æterno corpora noſtra  
gyro.

Me ſimul exerces, citharæ dum tan-  
gere nervos

Cogis

Cogis & Aoniam sollicitare che-  
lyn.

Tergeminâ major crescas Majoribus  
ipsis

Laude, Tibi magnum gloria stra-  
vit iter.

Nulla leonino de sanguine cerva, nec  
unquam

Chaonis ex Aquilæ fede columba  
datur.

Cernis Avi, cernis vestigia magna  
Parentis,

Sit calcar studiis ille, vel ille tuis.

OLIGERUS JACOBÆUS.

ELEN-

# ELENCHUS EXERCITATIONVM.

- I. *De variolis Puerorum. Et an fœtus sanguine materno nutriatur.*
- II. *Basiliscum ex ovo Galli non excludi. Et de modo imprægnationis ovi.*
- III. *De Ustione Bregmatis.*
- IV. *Unde odor violaceus in cauda Vulpina.*
- V. *De Brassica usu apud Puerperas.*
- VI. *De Fumana Herba, cum D. Arnoldi Syen, ejusdem argumenti Epistola.*
- VII. *De Liguoris styptici interno usu. Cum experimentis Fr. Redi circa usum externum.*
- VIII. *An Cor præter motum aliud ad sanguificationem conferat.*
- IX. *An Fundus Uteri, Ventriculi, &c. rectè Anatomicis dicatur.*

CASP.



CASPARI BARTHOLINI  
THOM. F.  
EXERCITATIONES  
MISCELLANÆ.

EXERCITATIO I.  
DE  
VARIOLIS PUERORUM.

*Et an sanguine materno fœtus nutriatur?*

**P**Uerum me fuisse adhuc me-  
mini, nec morborum illi æ-  
tati infestorum memoria ex-  
cidit, quanquam nuces lin-  
quere pridem didicerim. Placet igitur in præterita tempora revocatâ cogitatione, de morbis puerorum pauca ex Medicorum placitis, & Antiquitate ultima repetere, neutiquam eo animi proposito, quasi in cunis vagire semper sit volupe, cui ætas aliam vitam imperat, sed ut grata præteritæ ætatis recordatione ostendam, solis

A

in

moniorum studeat. Quanquam neque à mente abludat *Boxhornii* Not. ad Quæst. Rom. conjectura, quod bonus hic significet hominem altæ cujusdam & ignavæ simplicitatis, sicut *Horatius* l. II. Satyr.

*O bone, nec te frustrere,*  
& *Persius* Sat. VI.

*O bone, num ignoras, missa est à Cæsare laurus.*

per contemptum dixit, hoc est, ò ineptum, ò funginum caput. Forſan nolebant, belli studiis addiçti, liberos suos bonos nasci, hoc est, mites belloque ineptos, quo sensu apud *Statium*:

— *has bonus accipe voces.*

Unde feroces canes & iracundi commodè Genitæ Manæ à Romanis, ut Hecatæ à Græcis, immolabantur, teste eodem *Plutarcho*, & *Plinio* Nat. Hist. l. XXIX. c. 4. Ferociam enim in corpore sano optabant, ut belli gloria inclarescerent, parentibusque fortissimis tam essent similes, sicut ficus ficui, ut *Theophrastus* loquitur in Charact.

Ethic. cap. αὐτοκρατίας. Id enim maximo sibi honori duxit Stratophanes apud *Plautum* *Truculent.* Act. II. Sc. 6.

As. *Peperit puerum nimium lepidum.* St. *Ecquid mihi simili st?* As. *rogas?*

*Quin ubi natu'st, jam macharam & clypeum poscebat sibi.*

St. *Meus est scio jam de argumentis, nimium quidem simili st. papa.*

*Jam magnu'st? jamne lectat legiones, quas spoliare velit.*

Quippe optabant ut similes nascerentur semper liberi: Unde *Apuleius* in *Apol.* *Equidem scio & filiorum cariores qui similes videntur.* Et *Dido* hoc unicum suspirat apud *Virgilium* *Æneid.* IV.

— *si quis mihi parvulus aula*

*Luderet* *Æneas*, *quite tantum ore referret.*

Eleganter Romanorum hoc votum expressit *Catullus* *Carm.* 62.

*Sit suo similis Patri*

*Manlio, & facile insciis*

*Noscitetur ab omnibus*

*Et*

*Et pudicitiam suæ  
Matris indicet ore.*

Nam Parentibus dissimiles illegittimi habebantur, ut apud *Phocylidem*:

Οὐ γὰρ πατρὶ παῖδας ὁμοίους μοίχῃ λέγει.

*Non similes natos lectus ducit adulter.*

Et hanc castitatis laudem puerperis confert *Horatius* l. iv. od. 5.

*Laudantur simili prole puerperæ.*

Deinde vota nuncupabantur pro salute infantium vel integra valetudine gaudentium, ut in annos perennaret, vel cum adversa conflictantium, ut cum sanitate in gratiam redirent. Utriusque voti solennis pauca documenta signabo. De sanis *Terentius Andr. Act. III. sc. 2.*

*Per castor scitu' puer natu' est Pamphilo,*

*Deos quæso ut sit superstes.*

Et *Ovidius* l. ix. *Metam.*

*Tum demum magno petet hos Ache-  
loia supplex*

*Ab Jove Callirhoë natis infantibus  
annos.*



6 CASP. BARTHOLINI TH. F.

Inprimis Junoni sobolem commen-  
dabant, sicut variæ Inscriptiones te-  
stantur apud *Gruterum* aliosque, in-  
ter quas clarissima est illa in ara Capi-  
tolii, quam nobis dedit *Gruterus* In-  
script. Antiq. pag. xxv.

IUNONI  
REGINÆ  
CONSERVATRICI  
LIBERORUM DO  
MVS AVGVSTI  
D. D.

Nec contenta Junone Paganorum  
credula turba & molestè sedula, Ju-  
nones invocabat, sicut in Inscriptio-  
ne veteri Brixia:

IVNONIBVS  
CARTINIA. PLÆCLVSSA  
PRO FILIO  
CARTILIÆ. PROBÆ. MVNATII  
UXOR. ET. CARTILIÆ.

Verè ista superstitio fuit, in quam in-  
vehitur B. *Augustinus* l. iv. de Civ.  
Dei c. 30. *Non Philosophi solum, in-*  
*quit, verum etiam majores nostri su-*  
*perstitionem à religione separaverunt.*

*Nam*

Nam qui totas dies precabantur & immolabant, ut sibi sui liberi superstites essent, superstitiosi sunt appellati. Taceo varias Paganorum superstitiones alias, quibus infantes DIS suis consecrarunt, alibi pertractandas, ut salutem illorum consulerent, & ritus in puerperiis Veterum adhibitos, qui ampli voluminis materiam præbent; de Minerva sola sollicitum adeo fuisse Caligulam *Suetonius* c. 25 narrat, ut infantem Juliam Drusillam appellatam, per omnium DEarum templa circumlatam, Minervæ gremio imposuerit, alendamque & instituendam commendarit. Sive doctrinarum spe, sive hastarum amore; utriusque enim artis Dea credebatur, Jovis cerebro nata, sed immaturo partu. Majori pietate DEo creatori nostro natorem incolumitatem commendamus Christiani, exemplo B. Virginis, quæ infantem Jesum obtulit Domino in Templo Hierosolymitano, *Luc.* 2, 22. Majorem infantibus olim curam

adhibitam legimus, quodocunque  
 tenellulum corpus à sanitate defle-  
 ctens infirmitatibus morbisque infe-  
 stabatur. Utramque apud Paganos  
 paginam Deæ implent, falsæ illæ &  
 impotentes. Nec medicamentis ulti-  
 mus locus datus, quibus morbonia  
 rectius infringitur. De Junone & qui-  
 dem Lucina, ægrorum infantum re-  
 stitutrice, inscriptionem raram ex  
 Collectaneis veterum Inscriptionum  
 Cl. Viri Jo. Bapt. Doni nondum edi-  
 tis exhibet *Tomasin.* l. de Donar. c. xiv.

IVNONI. LVCINAE  
 PRO. FILIA. PARVA. LABORANTE  
 SVSCEPTO. VOTO  
 STATILIA. D. D.

Cum vero febris maxime urerentur,  
 etiam illi, pro Dea reputatæ, pro fe-  
 bricitantibus infantibus, vota conce-  
 pta, illique ara exstructa. Indicio Za-  
 mosii apud Transylvanos in saxo est:

FEBRI. DIVÆ. FEBRI  
 SANCTÆ. FEBRI. MAGNÆ  
 CAMILLA. AMATA. PRO  
 FILIO. MALE. AFFECTO. P.

Præ-

Præterea Castori etiam & Polluci tanquam Diis Magnis, votum esse factum, Liberis sanitati restitutis, nos monet saxum apud *Gruterum* pagina *xcviii*.

CASTORI. ET. POLLUCI. DIIS  
MAGNIS. SVLPITIA. Q. SVLPITII F.  
VOTVM. OB. FILIVM. SALVTI  
RESTITVTVM.

Præter vota in subsidium laborantibus infantibus advocata quoque medicamenta, purgationes, incantationes, gestationes. Apud *Diodorum Siculum* lib. *iii*. dicitur Cybeles docuisse pecorum & infantium morbos purgationibus abigere, & ob singularem diligentiam & benevolæ mentis affectionem erga pueros, quos per incantationes sanitati reddidit, & crebro in ulnis fovit, Montana Mater appellata. Purgationes necdum abominantur Medici, sed mitiores admittunt ex manna, cassia, lacte, prunis, melle, oleo amygdalarum dulcium, vel per enemata alvum laxant, si quando

illa vel officio suo non fungitur, vel peccantes humores blande provocandi sunt sine corpuseuli insigni motu. At venam secare non audent sub Sole nostro, quod Galli non averfantur. Ε'πωδα's verò, seu incantationes, olim usitatas, Cybeli relinquimus, quanquam carminibus omnem vim denegandam non putemus, præsertim quæ à nutricibus nœniæ lallique canuntur ad somnum inducendum, qui magni medicamenti vicem apud infantes præstat. *Athenæus* l. XIV. χαλαβαιχαλήσις nominat, & interpretatur τὰς τ' πβλυγῶν ὠδα's, h. e. nutricum cantiones. *Hesychio*, βαυχαλᾶν, χαλακοιμίζειν, πβλυεῖν, παιδία μὲν ὠδῆς κοιμίζειν. De quibus videndus *Magnus Casaubonus* Not. in *Theophr. Character.* & in *Athenæum*. *Læli. Bisciola* quoque in subcensivis Horis, alique. Nutricis lemmata lallique somniferi modi vocantur ab *Ausonio* Ep. 16. ad *Probum*. Suavitatem horum ad demulcendos infantes expressit *Theocritus*

ius Eydyll.xxiv. ubi mater cunas mo-  
vens ita gemellos suos καταβαυκαλᾷ.

Εὐδετ' ἐμὰ βρέφεια γλυκερὸν καὶ ἐγέρσιμον  
ὑπνον,

Εὐδετ' ἐμὰ ψυχὰ, δὴ ἀδελφεῶ, βῦσοα  
τέκνα.

Ὅλβιοι θυνάζοιθε, καὶ ὀλβιοὶ ἀὼ ἴκοιθε.

Id est,

*Dormite pueri mei dulcem & excita-  
bilem somnum,*

*Dormite animi mei, fratres duo, in-  
columnes liberi:*

*Felices dormiatis & felices auroram  
consequamini.*

His lallis Lallus Deus præerat, de quo  
Turnebus lib. xviii. Adv. c. 34. sci-  
licet ne ex his carminibus exularent  
DI, nasutuli illi, qui omnibus inter-  
esse volebant. Eleganter Tertullianus  
in Valentin. c. 3: *Nonne aliquid tale  
dabitur te in infantia inter somni diffi-  
cultates audisse lamie turres, & pecti-  
nes Solis.* Μέλ & dicitur Nonno l. i.  
Dionys. ubi eleganter describit pueri  
recenter nati in nutricis ulnis situm, &  
canti-

cantilenam, quâ ad somnum invitatur. Ex fonte Medico idem illustrat *Aegineta* de Re Med. lib. 1. cap. 2: *Abstineat etiam nutrix à venere, & laboret per manus & humeros, & molam verset & texat. Et puerum ulnis gestans circumferat, qui tamen jam sit trimestris aut quadrimestris.* De gestationis exercitio pro curanda valetudine veteribus usitato consulendus *Mercurialis* l. 111. Art. Gymn. c. 12. & l. vi. c. 11. quod infantibus pariter & adultis percommodum. Nolo per hoc argumentum latius evagari, propero enim ad morbos puerulorum, qui recensentur ab *Hippocrate* 3. *Aph.* 24. exclusa podagra ante Veneris usum 6. *Aph.* 30. Cujus tamen ego non ita pridem in Nosocomio Lugdunensi exemplum memorabile vidi in puero arthritico, quamvis non amplius quam sex annorum esset. De quibus nihil in præsentī dicturi sumus, neque de calculo, quo nuper natos paterna hæreditate fuisse tortos ex recentioribus obser-

observationibus didicimus. *Variolæ* tantum ad examen vocandæ, plerisque pueris vel adultioribus necessariò infestæ, notæque humano generi jam inde ab Heroicis temporibus. De quarum causa litigatur, & adhuc sub judice lis est, an sanguini materno originem debeat tam foedus morbus elegantissimam puerulorum faciem deturpans & ulcerosam reddens, ut non facile agnoscas eandem esse. Quod si omnes in sanguine materno consentirent, ego sanè, omnibus inferior, sed pietate in Matrem nulli cedens, ab intentato crimine Matres absolverem, motus rationibus neutiquam trivialibus. Primo, materni sanguinis pravitatem nullo indicio satis firmo demonstrabunt, si sana Mater, si nullum vitium sanguis contrahat aliunde. Nec malignitatem hujus magis quam gonorrhœæ Virilis per se arguit Lex Divina *Levitic. xv, 19. 25. & xviii, 19.* qua prohibetur ne vir cum muliere menstruata tanquam



quam immunda congregiatur: Est enim Lex Ceremonialis Judæis solis lata nihil minus respiciens quam maligni sanguinis infectionem; sed ne impuretur tabernaculum Jehovæ *Levit. xv, 31.* forsan etiam ut Venerei illi nepotuli coërcerentur, & ad honestam munditiem incitarentur. For-  
 san etiam naturalis ratio subest, ad præcavenda alia mala ex ista consuetudine oriri solita, de quibus Medici loquuntur. Ceremonialem legem satis probant ritus varii, quibus expurgatæ abluebantur apud Judæos mulieres finito menstrui fluxu termino, recensiti *Levitic. xv.* & à *Lighfootio* Hor. Hebr. ad *Matth. c. 3. pag. 46.* ex Talmudicis aucti. Et quanquam sanguinis potum non valde conducere existimem; tamen tam perniciosum virus non est menstruus, sicut credunt nonnulli ut cœlum & terram inficere possit; dudum enim totus mundus infectus fuisset. Mitius de sanguine judicandum, quem Matres nostræ,

stræ, in sanitatis statu, conficiunt ex optimo chylo optimorum alimentorum, quibus gestationis tempore vescuntur, integro corde, vasisque fanis, receptaculo, ductu thoracico, cæterisque ad hanc œconomiam spectantibus organis. Nuper *Benjam. à Broeckhuysen* in *Oeconomia corporis animalis* variolas à sanguine Mater no vindicavit, quippe qui Art. 68. subtilitate Cartesianâ ingeniose fingit, causam esse in chylo, ex quo omnia viscera concreta vult. Nimirum illum chylum non in omnibus sibi constare partibus, quia variam materiam primi elementi sibi admittit comitem, quam, prout varia est, etiam ipsius misturam variare. Inde concipit musculos cæterasque partes nostri œconomi talem materiam facile accipere peculiarem, quæ in tubulis partium abscondita longum tempus ibi permanere possit; Atque ita in poros istiusmodi materiæ latitantis & in partibus abditiæ, infinuare & invol-

vere

vere sese materiam subtilem, & ipsam ex tubulis una secum ad sanguinem vehere. Ego hujus subtilitatis litem non faciam meam, cui suffecerit demonstrasse nullo jure maternum sanguinem culpari, quia ipse vel non vitiosus, de quo modò actum, vel si hujus malignitatis convinceretur, non tamen fore, unde sibi timeret foetus tenellus. Deinde igitur, quanquam de impuritate suspectus esset maternus sanguis, nullum inde detrimentum ad foetum derivaretur, quia vel eo in utero non nutritur, vel si quid ex illo in sui alimentum pertrahit, depuratur & emendatur. Foetus in utero vel prorsus nullo sanguine materno, vel particula tantum ejus nutritur. Primis mensibus per umbilicalia vasa sanguinem maternum trahi *Hippocratis* est doctrina, sed deinde incremente illo & utero distento fugi per os alimentum, cum sanguis non sufficiat, quam posteriores nonnulli defendunt, interque eos *Harvejus* incompara-

parabilis, qui ore sugere colliquamentum, in quo in Amnio natat, probavit, nosque tuemur, qui chylo per os sucto, sive is ex uteriglanduloso corpore destillet, sive per ignotos ductus lactiferos effluat, sive denique ex sanguine exsudet, grandiolem nutriri foetum probabili ratione suspicamur, quanquam omni tempore eodem succo nutritio increfcere alii velint. *Courveus* enim l. de Nutrit. Foet. prorsus excludens umbilicaliavafa, femper foetum solo humore albicante nutriri per os perfectum fcribit, imperfectum fola appofitione fimplici. Sed his rejectis *Ant. Everardus* folum os femper admittit, quod difficile creditu eft, ficut docet *Parens* meus Venerandus in *Anatome nova*, cum initio conceptus per os chylus attrahi non poffit, nec in ventriculo imperfecto alterari. Nuperrimè *Matthæus Sladus* Medicus Amftelodami Eruditus, fub *Theodori Aldes* nomine latens, folum fuccum nutritium feu lympham admittit

B

ab

ab uteri glanduloso corpore ad placentam percolatam, neque vasa sanguinea unquam hiare in gravidis, nisi vi aut præter naturam. Clarissimi nostri *Stenonii* sententia, cui multum ex debito tribuo, foetus in utero ore semper nutritur, quanquam omnem nutrimenti sui materiam per umbilicum à chorii vasis accipiat, liquorem autem amnii provenire forsan ex tota foetus cute, pulmonibus, glandulosis portionibus intra amnium sitis, ano, vesica ad tempus. Præterea constat ex mente Ejusdem, totum foetum & omnia ad illum vel formandum, vel formatum nutriendum concurrentia esse extra corpus Matris, habitâ ratione distinctionis inter superficiem externam & internam. Nimirum *Superficies* corporis ita distingui commodè potest, ut alia sit *Externa*, cui externum fluidum immediatè communicatur; Eaque *vel externa exterius sita*, ut cutis, vel *externa interius retracta*, ut totus canalis alimentorum cum viis  
aëris

aëris & urinæ, nempe aspera arteria, pulmonibus, utero, viis urinariis, vasis spermaticis, &c. quia hæc, quamvis interius sita, cum externis tamen immediatè commercium habent & contenta sua excernunt. Unde in quibusdam animalibus superficies illa, interius in aliis retracta, externa planè occurrit, ut in piscibus pulmones. In quibusdam vesica urinaria deest, cujus loco in Avibus quasi Cloaca quædam est, in quam, tanquam in sentinam, excrementa & urina ingesta excernuntur. Alia *interna*, ut totum receptaculum sanguineum, cujus contenta mediatè in aërem excernuntur. Alia denique *communis*, quæ communicat cum superficie corporis & externa & interna, in qua classe veniunt pori corporis, per quos materia subtilis, vel fluidum illud commune, quocunque demum nomine appellare libuerit, ingrediens variè corpus afficit & omnes nostros sensus perficit, prout copiosius vel parcius & hoc vel alio

modo alteratum; egrediens sanguinem fuliginibus liberat, quas secum excernit. His ita positis, cum uterus cum annexis vasis spermaticis inter superficiem externam sit, sed interius retractam, facile illa, quæ de materia foetum vel constituyente vel nutriente attulimus, explicari possunt. Constat quidem maximam partem materiæ immediatè prodire ex fluido interno matris sive sanguineo solo, sive sanguineo simul & nervoso; An verò prima rudimenta solidarum partium ex illo fluido fiant, an habeant quaecunque principium simul cum Matre formatum in loco ubi ovum inde excrefcit, non ita facile erit determinatu. Apparet nihilominus communem hætenus Anatomicorum divisionem partium in spermaticas & sanguineas, falso niti principio, ac si sanguis maternus ad virile semen accedens, substantiam à semine virili diversam componeret. Dum enim nihil ex sanguine materno sub forma sanguinis ingre-

ingrediatur vel ovum vel foetus, nec ulla pars sanguinea dici meretur, ac si à materno sanguine esset oriunda. Atque dum semen virile evanescit è cavitate uteri foecundans solùm humores Matris atque ovum, de quo postea plenius, quo jure ulla pars spermatica dici poterit, ac si à spermate virili substantiam traheret? Præterea demonstrari ad oculum potest, maternum sanguinem, ne membranas quidem ovi unquam penetrare, tum primis ab ovo in oviductu conspicuo diebus, ubi ovum omnino liberum reperitur, tum circa instantem partum, quando placenta vel cotyledones in duas partes dividuntur, una adhærente ovo, altera utero, nullâ sanguinis guttulâ in illa divisione observandâ. Nutrirî itaque potest foetus & augeri seroso humore per placentam à sanguine Matris in sanguinem foetus transmissò & in superficiem externam foetus excreto, qui intra amnion continuis circulationibus à superficie externa in





internam, & vice versa, sui partes transmittit, donec tandem acrior redditus foetum inquietum sui stimulatione reddat, qui calcitrare & ruptis membranis viam sibi invenire cogitur, uterisque ad excretionem irritatur. Quippe primo tempore, nempe in abortu i v. Mensium, liquorem hunc in Amnio contentum coloris ex albo rubescentis, gustu dulcem, tenuem, digitis glutinis instar tenuioris adhærentem observavit nuper Celeberrimus *D. Gerard. Blasius* Amicus summus, in *Observat. Anatom. Practic.* Quicquid horum sit, alimentum quodcunque à matre accipit, depuratur in placenta, in visceribus foetus ipsius, ut nihil immundi seminei, quod corpus inficiat, relinquatur. Et si infectus sit matris sanguis, statim injurias suas foetui tenello imprimat, quod in petechiis, variolis, aliisque morbis videmus, quibus in utero subinde foetus tentatur, matre laborante. Nemo sane concipere mente potest, quo-

quomodo reliquiæ illæ sanguinis materni ad senium filios comitentur decrepitos, tot interea morbis crisibusque expurgatos, tot victus ætatisque mutationibus quasi aliâ naturâ indutos, quos tamen variolis decubuisse exempla docent. Sympathiam sanguinis à quocunque principio ortam, aliquid conferre non negamus, unde nonnulli fratres, etiam locorum intervallo diffiti, simul variolis corripiuntur, nisi huic eventui casus fortuitus prætendatur. Sed propius ad veritatem, quæ dubia, accedere videntur ii, inter quos *Fernelius* lib. 11. de Abd. c. 12. qui contagioso aëri atque maligno malum hoc adscribunt, quod pestilentiaë more certis annis per multorum simul exitium vel salutarem crisin grassatur, quos easdem sibi que similes reliquias à matribus diversis traxisse verò non fit simile. Auget hanc suspicionem malignitas variolas nonnunquam comitata, nonnunquam innoxia. Quibusdam annis

quæ variolæ grassantur pueris sunt indemes. At aliis annis cum petechiarum malignitate certant, quibus vel junguntur vel æquiparantur. Anno Christi 1574. in insula Rugia tantum virus pestiferum ex putredine contraxisse auctor est *Fr. Joël l. ix. Prax. Sect. 5. c. 2.* ut detractis crustulis pustularum in subcutaneo ulcere vivi vermiculi reperirentur. In nonnullis viscera depopulantur, sensus nobiliores externos mutilant, & denique vitam privant, acerbamque mortem accersunt in infantibus, immaturam in juvenibus, si ita accuratè cum Philologis nonnullis loqui libeat. Certè rarò Medicina quicquam ibi proficit, eludente artem malignitate, præsertim si tenellulum corpus major vis invaserit, symptomataque invalescant. Ne tamen nostro officio desimus, quos in vita servare non possumus, post mortem, si quadragesimum diem excessere, quos, ex *Virgilio Æn. l. vi,*

— ab ubere raptos

*Abstn.*

*Abstulit atra dies, & funere merfit  
acerbo,*

tumulum cum titulo ponemus antiquo ritu Romanorum, quem describit *Gutherius* lib. 1. de Jure Manium cap. 29. ex Inscriptionibus variis edoctus, quibus evincit post quadragesimum tantum diem tumulum cum titulo positum, quanquam mirer Doctorem Viro non visam Inscriptionem, quæ Romæ exstat apud M. Anton. Alterium, à *Grutero* Inscript. Antiquar. pag. 688. è *Boissardo* laudatam, quæ quarti tantum diei meminit in infante fasciis involuto:

D. M.

IVLIO. DIADV MENO

F I L I O

IVLIVS. CORVNCA

N I V S

V I X. H O R. I V.

H O R A. B R E V I S. V I T Æ

L E T V M. T V L I T.

Si necdum quadraginta dies impleverunt, adeoque minores sunt igne rogi, ut canit *Juvenalis* Sat. xv. in hoc

B 5

etiam

etiam veteres Romanos imitati urnulis tectos in Suggrundariis locabimus, seu protectis, explicante *Meursio* lib. de Fun. cap. 38. de quibus suggrundariis seu sepulchris infantum *Fulgentius Placiades* de Prisco sermone ita loquitur: *Suggrundaria antiqui dicebant sepulchra infantum, qui necdum XL. dies impleissent, quæ nec jam Busta dici poterant, quia ossa quæ comburerentur, non erant, nec tanta cadaveris immanitas, qua locus tumesceret.* Et ex *Rutilio Gemino* illustrat *Kirchmannus* l. de Fun. Rom. 1. c. 3. paucisque meminit *Barthius* lib. xi. Advers. cap. 21. Sed eorum figuram graphicè depictam dedit *Jo. Bapt. Suarez* Antiq. Gaditan. Hispanica lingua editis lib. iv. c. 4. Nosque alibi, ubi magis hæc ad propositum, exhibemus. Verbo finiam verbis *Tullii* I. Tuscul. Si puer parvus occidit, æquo animo ferendum: Si verò in cunis, ne querendum quidem.

## EXERCITATIO II.

BASILISCUM EX OVO GALLI  
NON EXCLUDI.*Et de modo impregnationis ovi.*

**V**ulgaris est Fabula basiliscum ex ovo Galli Gallinacei decrepiti nasci, eumque visu interimere homines. Cujus etiam apud veteres tantus timor insedit, ut vel incurabile illius venenum judicarint, adeoque quia subitanea mors supervenit, supervacuum esse remedia contra illud referre, sicut *Aëtius* Medicus Tetr. 4. Serm. 1. c. 33. vel magnis præfidiis, ut Castorei drachma in vino pota, & papaveris succo expugnare docuerint, quod de Erasistrato legimus apud *Dioscoridem* lib. de Theriaca cap. ult. Quid narrationibus vulgi statuum sit pretii, operæ duxi pretium paucis expendere, dignus enim videtur vindice nodus. An basiliscus unquam in rerum natura fuerit dubito iustis de causis, nostro saltem seculo talis

talis nunquam visus fuit qualis describitur. Veteres ipsi qui basilisci meminerunt, adeo inter se variant descriptionibus, ut vel diversas species eodem nomine indigitarint, vel Chimæram nobis finxerint. Nam descriptio variat, variantque effectus. *Aëtius* l. d. tres apices in capite habere dicit; sine alba macula. *Galenus* lib. de Theriaca ad Pisonem, belluam ait esse subflavam, triplici frontis apice insignem. *Plinius* l. VIII. c. 21. scribit, in Cyrenaica provincia generari, duodecim non amplius digitorum longitudine, candida in capite macula, ut quodam diademate insignem. Cui ferè consentit Epitomator ejus *Solinus* Polyhistor c. 37. nasci in solitudine quadam inaccessâ, incultâ & squaliente, quæ Cyrenis à tergo est: serpentem esse penè ad semipedem longitudinis, albâ quasi mitrulâ lineatum caput: cum movetur, mediâ corporis parte serpere, reliquâ arduum esse & excelsum. *Avicenna*  
 lib. IV.

lib. IV. fen. 7. tr. 4. c. 22. coronato capite describit, cujus longitudo est duorum palmorum, & caput acutum valde, & oculi rubei, & color ejus ad nigredinem & citrinum declivis, &c. multiplicari autem in terra Aroreh, vel Turciæ, ut legunt alii, & Nubiâ. Recentiores Galli formam illi assignant. Neque in viribus ejus describendis concordēs sunt veteres. *Galenus*, solo visu & sibilo homines occidere, sique ab aliis animantibus tangatur, ea protinus vita privare. *Heliodorus* Æthiop. l. III. afflatu solo & aspectu obvia exsiccare & inficere, dicit. Percussorum symptomata recenset *Aëtius*, quibus mors subitanea superveniat. Morsum *Erasistratus* apud *Dioscoridem* attribuit, & *Actuarius* l. VI. M. M. c. II. *Plinius* & *Solinus* sibilo fugare omnes serpentes produnt, esse interneccionem generis humani, omnibus qui oculos ejus vidēre confestim expirantibus. Fabulam Fabulâ confirmant. Et errantium  
turba



turba mutua sibi præstat patrocinia. Creditum, enim *Plinio* eodem narrante, quondam cum ex equo hastâ occideretur Basiliscus, per eam subeunte vi, non equitem modo, sed equum quoque absumptum. Similia affert *Avicenna* l. c. Terram ipsam polluerè & exurere *Solino* fertur, extinguere herbas, necare arbores, [frutices dixit *Plinius*, quod mavult *Cl. Salmasius* Polyhistor Exerc. Plinian. pag. 371. cum parva serpens basiliscus, arbores afflatu necare non posset,] ipsas etiam corrumpere auras, ita ut in aëra nulla alitum impune transvolet infectum spiritu pestilentiali. Quo cum conspirat *Lucanus* l. 1x. Pharf.

*Sibilaque effundens cunctas terrentia pestes*

*Ante venena nocens latè sibi submo-  
vet omne*

*Vulgus, & in vacua regnat basiliscus  
arena.*

Morsus ejus & venenum incurabile censet *Ætius*, curabile mystelis *Plinio*,

nio, castoreo & papavere *Erasistrato*, gallo gallinaceo apud *Ælianum* libro III. de Anim. c. 31. Tanta inter Authores est discrepantia, ut facilius inter horologia conveniet quàm inter ipsos. Ut cum Chimæra conferri possit, quam *Homerus* describit *Iliad. Z.* divinum fuisse genus, non hominum, quæque

*Ante Leo, post autem draco: media autem capra,*

*Ingentem spirans ignis vim ardentis.*  
 Illa autem inexpugnabilis cum ibidem interfecta sit, nec exinde in vitam redierit similis, sine dubio ad interitum etiam Basiliscum secum traxit, si quidem vel talis unquam exstiterit, vel species interire possint. Nam nusquam in Orbe hodieque conspicitur. Nemo vidit fide dignus, & *Galenus* ipse ingenuè fatetur l. x. de Simpl. Med. Facult. c. 1. sibi nunquam contigisse videre basiliscum; sique vera sint, quæ de eo referuntur, periculosum etiam esse vel propius ad hoc animal

mal accedere. *Eginet* l. v. c. 19. rarò in hominum conspectum venire asserit, & *Aëluarius* l. vi. M. M. c. 11. rarò occurrere. *Aldrovandus* quidem ex volumine de Ostentis iconem cujusdam basilisci in solitudinibus Africæ stabulantis operi suo inseruit, quæ tamen ex ingenio ficta videtur, cum octo pedes affingantur, & à vulgari descriptione discrepet. Altera icon Romæ à *Parente* visa & depicta cap. vii. Observat. de Unicornu, monstrosa est, capite caponis instar cornuto. Regulus ille in insula Zeilan à *Garcia ab Horto* l. 1. de Arom. c. 44. descriptus, cujus etiam meminit ex *Ferdinando Lopez* l. 1. Hist. Ind. *Carolus Clusius*, & pro Basilisco quoque habetur à *Jonstono* l. 1. de Serp. tit. 2. c. 1. Art. 1. si coronam exceperis, quæ etiam alii gaudent, nihil differt à venenatis aliis serpentibus, unde etiam ligno colubrino venenum ejus exstinguitur. Passim quidem in Myropoliis ostenduntur exuvix quædam, quæ  
pro

pro Basiliscis venditantur, vulgò enim ex Raja pisce artificiosè compingitur æmula Basilisci forma, quales exhibuit *Aldrovandus*. Quam fallaciam in exuviis quoque illis, quas in Miscellaneis Curiosis Anni Tertii exhibitas videmus, deprehenderunt *Wedelius*, dignissimus *Rolfinchii* Jenæ successor, & *Jenischius*, Miscellaneorum post *Sachsium* Collector, Observ. 128. Et non ita pridem mihi Lugdunum scripsit *Parens*, Hafniæ easdem exuvias, revera Rajæ, falsò venditatas pro Basilisco. Nimirum non nos debent alii imperitorum fabellis delectati in errorem mutui rapere consensus. Experientias tamen nobis verasque Basilisci historias, obtrudunt alii fide recentiorum. *Platina* in Vit. Pontificum narrat de Basilisco Leonis Pontificis Romani IV. orationibus è fornace S. Lucie expulso, cujus halitu & veneno multi mortalium perierant. Sed quia nec *Platina*, nec *Scaliger*, qui Exerc. 246. §. 4. ejusdem memi-

C

nit,

nit, figuram istius basiliscī expresse-  
runt, nihil certi affirmare possumus,  
an serpens fuerit venenatus, vel mon-  
strum aliud informe, cui lumen ad-  
emptum. Aliam historiam ex com-  
municatione D. *Mosani*, Archiatri  
Casellani contexit *Jo. Pincierius*  
l. III. Ænigm. 22. de Basilisco magni-  
tudine gallinæ, capite ad Galli Indici  
figuram accedente, cristâ coronæ æ-  
mulâ, partim flavo, partim cœruleo  
colore conspersâ, dorso multis ma-  
culis eminentibus, oculisque bufo-  
num assimulantibus, interjectis pas-  
sim coloribus virulentorum anima-  
lium, ut plurimum autem flavo, cru-  
ribus oblongis, galli cruribus similli-  
mis, ante & post hæc cruribus duobus  
aliis prodeuntibus, bufonum cruri-  
bus respondentibus, cauda denique  
incurvata & sursum reflexa, maculis-  
que superius plena, inferius flava, in  
extremo bufoni concolore: quem ex  
subterranea cella Varaviae Polono-  
rum A. C. 1587, multorum exitio  
infesta

infesta Johannes Jaurerus Silesius extraxit, speculis munitus, quibus, visâ propriâ imagine, basiliscus interemptus. Hæc verè ita esse gesta, auctoritate vigilis Magistri, tanquam αὐτόπλης, & primæ notæ testis confirmantur, cui nihil detractum volumus, majorem tamen habituri fidem relationi si ipse *Mosanus* rem visam narrasset. Felicius enim succedunt artes, si soli artifices de illis judicent. Tacent de memorando hoc ostento alii Annales istorum temporum. Et quo minus assensum præbeam ego, patre Thoma natus, manusque oculatas habens, non pauca sunt rationum momenta. Nemo quippe probaverit basiliscos in speluncis ideo delitescere, venenoque & aspectu suo inficere ingredients, quod multi ibidem suffocentur. Nam vapores alii maligni in cavernis contenti & expirantes suffocationi sufficiunt. Exemplum habet *Licetus*, ex aperto monumento diuque clauso multos interiisse. Fama

apud nos est, sepulchra veterum in campis nostris saxo munita si aperiantur, oculorum inducere caliginem. Avum meum Paternum *Casp. Bartholinum*, memoriæ beatæ, similia in oculis passum à *Parente Venerando* accepi, cum ille curiositate ductus urnas sepulchrales effodiendo per colonos venaretur. Fumum carbonum per bronchia pulmonum haustum eorundem obstruere meatus, & suffocationem accelerare, nupero exemplo *Hafniæ* puellæ cum infante in cubiculo carbonibus extinctæ in platea Orientali constat. Et simile de duobus fratribus fumo carbonario mortuis habet *Nic. Fontanus* in *Analect. Observ. cap. 22.* Pluribus ante illum illustrat *Marcellus Donatus* l. 11. hist. Medic. Mirab. cap. 6. De pestilentia quoque notum, quam multi inficiantur ex sola inspectione intra domos infectas. Non negandum tamen visu tactuque venenatas atomos transire ad vicinos, ut, si de basilisco vera esset narratio, facile

facile hujus effectus causa explicari posset, præsertim ex veterum superstitione vel credulitate. Visu enim effascinare gentes quasdam proditum est. Ita *Plinius* lib. VII. c. 2. esse ejusdem generis in Triballis & Illyriis adjicit Isigonus, qui visu quoque effascinent, interimantque quos diutius intueantur, iratis præcipue oculis: quod eorum malum facilius sentire puberes: Interire quoque probata, ardescere arbores, emori infantes. Et *Plutarchus* l. v. symp. quæst. 7. ex Philarcho Tybios narrat gentem Ponticam fascino obesse non pueris modo, verum etiam adultis & Viris, aspectum enim & respirationem & linguam ipsorum afferre mortem. Ad animalia quoque transiit malus oculus apud *Virgilium* Eclog. III.

*Nescio quis teneros oculus mihi fascinat agnos.*

Amatorius oculus huc refertur, in Venerem putris, de quo conqueritur ad Filiam *Heliodorus* lib. III. Æ-



thiop. *O filiola, ô nata, mene patrem celas, ex quo labores? & cum fascinata sis, taces quasi injuria affeceris, & non affecta sis ab oculis qui te male aspexerunt.* Ο'φθαλμὸν βάσκαον dixit *Heliodorus*, & interpretatur *Theocriti* Scholiastes κοίνοντα, καὶ φθείροντα τὸ ὄρα-  
 τιν, καὶ μάλιστα παῖδας ex *Plutarcho* l. c. Unde cum veteres etiam Romani res teneras aspectu noxio virosorum hominum aut mulierum fascinari crederent, ut aspectum effascinantium ab oculis puerorum abducerent, suspendebant illis è collo Mutinum, quem vocabant, Deum, vel Fascinum, qui hujus fascinationis credebatur averruncus, & erat *Resturpicula* explicante *Varrone* lib. vi. Alii etiam fascinationibus adoratione peculiari occurrebant, Græcam Nemesin invocantes, teste *Plinio* Nat. Hist. l. xxviii. c. 2. De quibus nos alibi. A vetulis menstruatarumque mulierum oculis effluvia emanantia, & dolorem inferre capitis & specula infringere

cere creduntur. De lupo fabulantur, quos prior aspexerit vocem intercludere. Unde illud *Virgilio* Eclog. IX.

— vox quoque *Mærim*

*Jam fugit ipsa: Lupi Mærim videre priores.*

Ad veriora devolvamur. Sunt intuitu oris ulcera, quæ inficere possunt. Nihil dicam de pestilentia, scabie vicino pecori contagiosa, variolis, aliisque malignis effluviis inficientibus morbis. Nec puellam veneno nutritam è mortuis revocabo, quæ ad *Alexandrum Magnum* missa dicitur, ut eum halitu vel tactu inficeret. Id unicum de *Mosani* narratione dicam, multos spectatores, imò bis mille recenseri, sed unicum tantum testem, cumque *Vigilum Magistrum*, sine dubio magis vigilantem in castris vigili oculo & intento machæræ generosæ, cum gestit fartum facere ex hostibus, ut *Comici* verbis utar, quam naturæ contemplationi. Expendite quæso naturæ mystæ gallum hunc

Basilisci. Solus in crypta repertus fuit. Ubi gallina? Unde prognatus? Quo modo genus propagare potuit? Cur nusquam exinde ibidem visum simile animalculum? Africa credebatur natales dedisse basilisco, si credimus *Avicennæ*, *Solino*, & *Æliano* lib. III. Hist. Anim. c. 31. & in Libyæ desertis secedere author est *Actuarius* l. VI. M. M. c. 11. raroque aliquos in eum incidere, illive incurrere. Unde *Varfaviam* ex Africa trajecit hic solus basiliscus, qui nostris navigationibus ex Africa nunquam deportatur, nec visus ibi narratur ab ullo? Si à galli veteris ovo exclusum hic fuisse dicas, credam, sed non sine teste idoneo. Neque hoc genus basilisci, quod à priori distinguit *Cass. à Rejes* in *Elys. jucund. Quæst. 65.* & ante illum naturæ alioqui peritissimus *Euseb. Nierenbergius* l. VI. Nat. hist. c. 20. adeo venenatum creditur, ut momentaneo visu interimat. Addo gallum nec juvenem nec decrepitum ova parere posse,

posse, & si pareret, nunquam basiliscus excluderetur, sed gallus sui generis. Utrumque quanquam patronos non paucos pro se habeat, in primis *Levinum Lemnium* l. ix. de Occult. Nat. miraculis cap. 12, ratione & experientia convincam. Nullum certè ovum nisi à foemina concipitur, nec foecundum est nisi à mare imprægnetur. Hoc enim sine principe sexus discrimen Natura introduxit, ut uterque per se indigens alter alterius auxilio egeret, & ad generationem operam mutuam traderet. Hoc argumento utitur *Harvej*. Exerc. de Gen. Animal. 27. ut non magis absque maris & foeminæ opera ovum efficiatur, quam fructus absque arbore. Eodem argumento nos per omnia animantium genera progredimur, quæ per ova omnia multiplicantur. Hinc ovaria foeminis omnibus data, nulli masculino. In humana specie rem jam liquidam primus fecit *Nic. Stenonius*, ut ovarium in mulieribus etiam osten-

di possit manifestissimè, quod antehac  
 Anatomici pro testiculis foëminarum  
 habuerunt. De cujus ovarii & uteri  
 muliebris fabricâ longè elaboratissima  
 prodidit *Joan. Swammerdamius*, &  
*Regn. de Graef* ejusdem ovarii memi-  
 nit in libr. de Part. Gener. Mulierum,  
 nuperrimeque *Fridericus Ruysch* in  
 eleganti figura ex recenter imprægna-  
 tæ utero delineavit, ubi per testiculi  
 aperturam foëcundum foëminæ ovum  
 egredi, & per Fallopiam Tubam  
 patentem proboscidis instar ad ova-  
 rium tortam, ad uterum tendere,  
 clarissimè patet. Addam & ego, me  
 hic non ita pridem apud Æsculapium  
 Lugdunensium incomparabilem D.  
*Lucam Schacht* vidisse in ovario foë-  
 minæ cujusdam ab ipso dissectæ, cujus  
 alterum ovarium præter naturam ad  
 magnitudinem humani capitis incre-  
 verat, ovum non sine summo arti-  
 ficio ad exitum præparatum, quod  
 per viam ex testiculo convenientem  
 in tubam deducere se potuisse, ipse  
 mihi

mihi Vir Candidus fassus est. Quæ  
via hoc etiam argumento probari po-  
test, quod in animalibus quibusdam  
testiculi in Tubis absconditi repe-  
riantur, ut minima pars illorum de-  
tectæ sit. Cæterum videmus viam  
ovis in uterum per Tubam stratam &  
sentimus ovum à tricis tunicarum e-  
nucleatum hac pergere, tacent ta-  
men plerique veram causam, quæ  
ovum statò tempore tunicarum ple-  
xibus liberat. Latet feminis Virilis  
in ovum operatio atque illud quo  
modo ad generandum, & ovum  
foecundandum concurret. Laborat  
quidem *Benjam. à Broeckhuysen* Oe-  
conom. Animal. nuper edit. Arti-  
cul. 94. in humore quodam per ute-  
rum fluente, illi analogo, quem circa  
canum prurientium genitalia obser-  
vavit, cui semen masculinum prolifi-  
cum admistum, motum à priori di-  
versum adferre & gyro quodam inci-  
tato foeces ad latera detrudere, fieri-  
que postea primum foetus rudimen-  
tum;

tum, scilicet ovum, statuit. Sed hac in re omnibus palman eripere videtur Magni Præceptoris nostri *Stenonii* sententia, quam probabilem meritò amplectimur. Et ego, cum singularem Viri candorem cognitum habeam, non dubitabo hic apponere. Statuit autem semen virile in uterum injectum non manere, sed sive totum, sive præcipua sui parte intra sanguinem, forsan & nervosum genus, penetrare. Confirmat hoc observationibus, cum in animalibus post congressum apertis nullum in oviductu semen repertum, & illustrat idem *Harvaei* experimentis. Quocirca cum statim post congressum alteratio in sanguine sentiatur, pro certo habendum semen virile non aliter ac medicamenta aut alimenta assumpta vires subtiliores statim ad sanguinem amandare videmus, sanguini communicari, cujus conspicua & numerosa satis vasa prope uterum occurrunt. Sanguis ipse vi hac seminea imprægnatus

natus atque alteratus, ex indissolubili circulationis lege ad ovarii vasa, quasi per catadupa, ruit, ova qualicunque modo alterat, vi quâ abundat semineâ foecundat, atque impellit, ut in uterum per tubam via convenienti illabantur. De ovo humano nuper breviter aliquid in orbem misit *Christ. Frider. Garmannus*, & de ovo Harvejano labores *Schraderi* Medici Amstelodamensis, publico nuper donati, ad quam rem illustrandam docta quædam meditatur *D. J. Hannemannus*. In gallo autem ovarium nullum reperiri testis est *Parens Venerandus*, qui in gallo coram Augustissimo Rege Divo *Friderico Tertio*, in arce Hafniensi dissecto, qui oviparus credebatur, nullum ejus vestigium aut volam invenit. Neque ex ovis, quæ à gallis excreta putantur, sive gallinis supponantur, sive calore alio foveantur, quicquam excluditur, multo minus basiliscus. Factum ejus rei periculum non ita pridem in officina Beckeriana

Hafniæ



Hafniæ in fornace, more pullitiei Ægyptiacæ, imposito ovo, quod gallus credebatur peperisse, sed irriti successu, sicut in Aëtis Hafnienfibus Anni 1673. à *Parente* proditum est. Hinc facile patet, ova quæ gallis attribuuntur, vel esse gallinarum immatura, monstrosa vel subventanea, quæ gallus forte in nido superveniens videtur excrevisse, custodibus id non advertentibus. Viderunt multi gallos incubasse ovis, audivimus legimusque multos putasse ova esse galli, nullos tamen qui viderint ova à gallis ipsis excreta. Monstrantur ova varii coloris, variarum figurarum, sed quæ à gallinis omnia potuerunt prodire. Et ut tandem quid rei sit de Basilisco aperiā, in veterum recentiorumque defensionem, notandum in veterum de Basilisco traditionibus hieroglyphicum sensum involutum latere, ut ingrati hominis & malitiosi idea vera exprimitur, vivumque exemplar. *Wolf. Franzius* de Anim. Hist. Sacr. p. 4. c. 5. ima-

imaginem esse dicit Diaboli, & commodè referri posse ad maleficos, imo vetustatem comparare solitam fuisse cum peccato. In quam rem prolixè commentatur *Jo. Bustamantinus* libr. III. c. 18. Ante hos *Horus Apollo* in Hieroglyph. I. lib. I. Basilisco ævum significari tradit, cum sit animal immortalē, quod verè pro commento habet in Observationibus *Nic. Causinus* auctoritate *Solini*, qui cadaveris basilisci meminit à Pergamenis empti. *Ægyptios* quoque basiliscum pingere idem *Horus* testatur lib. II. Hier. 57. hominem ab accusatore conviciis affectum significantes. Deinde basiliscum sumi pro serpente venenato præ cæteris eminenti, unde *Θηρίον βασιλικόν* dici, quod in capite habeat album instar diadematis, vel quod reliqua serpentum genera vim ejus fugiant, *Festo* judice. Hac formâ basiliscus depingitur à *Gesnero* l. v. de Serp. Et notas vulneris à basilisco inflicti, ad auri nempe colorem efflavescences, *Dioscorid.* de  
The-

Theriaca cap. 18. plerorumque virulentorum animalium morsus comitari asserit. Serpentes autem suis ovis excludi vidimus, & nonnunquam ex gallinarum ovis generatos multis exemplis confirmatur, quæ ex *Aldrovando*, *Liceto*, *Paræo*, aliisque affert in Ephemeridibus Germanorum Anni Tertii *Simon Schultzius* Obs. 190. & exemplo confirmat ovi Thorunensis à Judæo cocti, in quo serpens spithamæ longitudinis & digitalis crassitie inventus A.C. 1672. sive illi serpentes ex putrido ovo generentur, sive quod gallinæ à serpentibus comprimantur, sive denique quod seminium serpentinum devoraverint inter alias nutrimenti quisquiliæ, sicut suspicatur Doctissimus *G. Seegerus* apud laudatum *Schultzium*. Tertiò monstrosa ova sæpe à gallinis excludi, tam extero cortice varia & à consuetis abluentia, quàm internis contentis. Tale fuit *Paræi* illud l. 24. Chirurg. à *Liceto* quoque annotatum, de Monstr. l. 11.

c. 74. ex quo monstrum prodiit facie quidem humana, sed capillitio colubris undique horrente, mento, tribus aliis colubris vibratis, veluti barbato, cujus ovi albumen feli exhibitum, repentinam mortem intulit. Denique arte nonnunquam similia monstra fieri. Refert ex *Io. Bapt. Porta Weckerus* l. VIII. de Secretis c. 2. quo modo ex Ovo artificio ingenioque enasci possit animal visu & tactu inficiens, ac si regulus vel Catoblepa esset. Cujus sensus alia apud *Portam* lib. I. Mag. Nat. c. 17. legantur. Tandem ut omnibus scrupulis satisfaciam, sciendum quotiescunque Basilisci mentio fit in versionibus vulgatis Sacræ Scripturæ, regium serpentis genus, veneno decantatum significari. Igitur basiliscum admittimus, non alatum galli instar, sed serpentem, veneno, ut alii serpentes, quanquam magis noxio, infestum; quò inclinat quoque *Sennertus* lib. VI. Prax. p. 8. c. 12. Et Eruditus *Sam. Bochartus* P. 2. l. III. Hierozoic.

cap. 10. contra Chaldæum & Syrum negat basiliscum esse volantem. Ad cuiuscunque Serpentis morfu tactuque infelto venenum expugnandum spectat Castoreum & *μύκων* seu Papaveris succus ab *Erasistrato* præscriptus. De utroque consentit *Ægineta* lib. v. de Re Med. c. 19. & *Avicenna* lib. 1 v. fen. 7. tr. 4. c. 33. Sed ille Castorei drachmas tres præscribit, quanquam nihil horum se expertum fateatur; Hic, licet nihil quicquam conferre ad morsum hunc venenatum dicat, si vero aliquid conferre debeat semen papaveris valere usque ad drachmam unam, & castoreum ad drachmam unam. Ubi *Io. Ant. Saracenus* in Schol. ad *Dioscoridem* semen pro succo papaveris perperam legi credit. Quicquid sit Castoreum nervis dicatum, qui morfu maximè offendantur. Et oleo suo pestilentiali castoreum miscet *P. Parwius*, quod tantis laudibus extollit à se probatum l. de Peste c. 7. Imo Theriacam Andromachi,

chi, venenis oppositam, ingreditur. Ita & Opium, sive quod incrassando constringat meatus, ne venenum ferri possit ad cor, sicut *Rondeletius* suspicatur l. de Theriac. sicque juvet operationes Antidoti, sive venenosos vapores præcipitando & consumendo vel sopiendo, quo consilio passim commendant alii & in febribus malignis, sive alia quacunque facultate necdum satis explorata, de qua publicum & me aliquando docebit Præceptor Magnus *D. Olaus Borrichius*, quando meditata de papavere experimenta in lucem proferet. Interea optimam Opii correctionem cum succo cydoniorum amplectimur, quam publico communicavit Excellentissimus *D. Ioël Langelott* in *Ephemerid. Anni Tert. German.* p. 100. & *Parenti Venerando* olim in *Epistolar. Medicinal. Centuriis* verè panchrestam. Alios corrigendi Opii modos tradunt *Dan. Wincerus* l. III. de Op. f. 1. *Hartmannus* de Op. Theor. 7. aliique, quos hîc re-

censere nec libet nec licet. Unum sagacissimum *Thomam Willis* præterire mihi nefas esset, cujus de Opiatis cum voluptate & emolumento legi meretur *Pharmaceutice Rationalis* Sect. VII. In doloribus magnis (quales solent in inflammationibus & vulneribus excitari) Castoreum laudat *Alex. Trallianus* lib. III. c. 2. si æquale Opio misceatur. Monet tamen Opium esse deligendum vetus, ut magnam ipsius in torpore inducendo facultatem vitemus. De quo alii circumspiciant.

EXER-

## EXERCITATIO III.

D E

## USTIONE BREGMATIS.

**D**E Libyæ populis testatur *Herodotus* lib. iv. puerorum suorum, cum annum quartum attigissent, œsypo ovillo venas verticis adurere, alios verò ipsorum temporales venas: quod ideo agere credit, ne ullo tempore à capite descendens pituita offendant, & propter hoc seipsos sanissimos prædicare. Quem *Herodoti* locum expendens *Hier. Mercurialis* Var. Lection. l. i i. c. 2. de œsypo dubitat, an sufficere simili operationi potuerit, nisi fervens fuerit, nam oleum fervens urere. Itaque cum *Hippocrates* lib. de Affect. & alibi sæpe lino crudo urendum mandat, de ignito interpretandum censet. Non dubitandum filum œsypumque incendendum, ut olei fervidi instar urat. Si œsypum pro lana succida sumserit *Herodotus*, ita enim vocatur *Scribonio* Comp. 161. *Plinio*

D 3

lib.



lib. xxix. c. 2. *Varroni* l. 11. de R. R. cap. 11. illi adhærentes sordes ovillæ pingui suo succo olei vicem præstant, ut lana succida & urat, & huic operationi sufficiat. Et linea petia seu contextus filorum, quo ad varios morbos utuntur *Ægyptii* & *Arabes*, teste *P. Alpino* l. 111. Med. *Ægypt.* c. 12. & post eos in Italia *Severinus*, referente *Parente*, pyramidalis forma exurgens, accensus urit, quam *Ustionem Arabicam* vocant. Si pro pingui succo ex lana succida capiamus, quem crebra aquæ lotionē extrahit post *Dioscoridem* l. 11. c. 84. *Val. Cordus* in Dispensatorio, & vino per compendium *Scribonius Comp.* 161. sine dubio olei instar accensus urit. Nam non accensus butyri in morem concoquit, & digerit nonnihil ex *Galeno* lib. x. de Simpl. Med. Facult. Quo consilio *Scribonius* l. c. ad podagram laudat, & in unguento de Arthanita minori, ut & in Emplastro diachylo magno miscet *Jos. Mesues* l. 1. Distinct. xi. Compend. Secret.

Secret. Medicam. In uisione verò Libyca varia nobis explicanda, ætas nempe ægrorum, locus affectus, causa uisionis seu finis, instrumentum operationis. Ætatem designat *Herodotus* ἐπὶ τῷ τετραγέτην γένει: cum annum quartum attigerint pueri. Æthiopes ipso die natalium urunt, de quo per compendium legendus *Ios. Laurentius* l. ii. Polymath. c. ult. Commodiorem quidem ætatem hi elegerunt, qua sine insigni sensu operatio perficitur, cum sine ullo metu nuper nati aut terrore ignis hæc patiuntur. Humidiores & molliores illis partes sunt, bregma patulum est, & in tempore opportuno præcaventur symptomata graviora quæ adultioribus terrore nascuntur. Hæc ratio forsan inter alias fuit, cur Judæorum infantibus statim octavo die præputium præcideretur, cum notum sit quantos dolores passi sint adultiores circumcisi *Genes.* 34. Inter nascendi quoque initia linguæ

froenum, quando adest, infantibus  
 præcidere solent Chirurgi nostri.  
 Malè nonnunquam Libyæ populis  
 cessisse operationem hanc periculi  
 plenam, superveniens convulsio indi-  
 cat, quam hirci urinâ inspersâ curasse,  
 author est ibidem *Herodotus*. Nam  
 ad dentiendi tempus accedentibus,  
 propter dolores, etiam convulsiones  
 maximè invadunt, 3. *Aph.* 25. Lo-  
 cus urendus, venæ sunt *Herodoto* vel  
 verticis vel temporales. Aliis frons,  
 in Tuscia occiput, rectius sincipitis  
 illa pars, quæ in infantia patula est,  
 in adultioribus tenuior. Hic enim  
 locus cauteriis accommodus, fonta-  
 nella dicitur, membranofus, mollis-  
 que, si *Aristoteli* credimus, & *Pli-  
 nio* l. XI. c. 37. donec vocem articula-  
 tam edere puer incipiat. Huic parti  
 in destillatione medicamen, quod ex  
 palumbium stercore constat, imponit  
*Galen.* Meth. Med. lib. v. c. 13. Qua  
 quoque parte bregmatis in comatosis  
 cucurbitulas, cauteriaque adhibemus,  
 quia

quia postquam in ossëam sòlilitatem cum ætate densata fuit, manet tamen tenuitas. *Galenus* Meth. Med. l. xii. c. 22. imposito rosaceo bregmati illico sensit penetrationem. Imo in adultis membranæ nonnunquam mansit, sicut exempla quædam testantur, notante *Parente* Hist. Cent. iv. hist. 87. Venas verticis vel temporales cauterio urere apud nostros in usu non est. Emplastris quidem temporales venæ nonnunquam adstringuntur, ut sanguinis cursus ad maxillas retardetur in odontalgia. Cæterum in aliis partibus, quibus cauteria inuruntur, in brachio vel pede, sedulo cavemus ne tangantur vasa sanguinea. Unde ansa dubitandi enascitur, an fonticuli, ad quos hodie velut ad sacram anchoram confugitur, voto respondere possint. Vix certè aliud evacuare observantur, quàm sanguinis particulam ad partis nutritionem delabentem & in pus conversam. Extra vasa enim sua sanguis delapsus, sup-

puratur 6. *Aph.* 20. Quandoquidem in interstitiis muscutorum, illæsis vasis, fonticuli applicantur, quas vias invenient humores pravi ex capite aliisque derivandi partibus, ut per eos expurgentur? Ad ignotas enim vias confugere artis non est. In scorbuticis sane corporibus nostris ulcera quæcunque periculosa censentur, uti & Hydrope propter gangrænæ metum. Non enim facile sanantur 6. *Aph.* 8. Taceo difficultates alias & ægrismolestas. Sæpissimè quippe loco suo contineri nequeunt, sed gliscunt ad inferiores partes, ad tendines, ad vasa, unde puri sanguinis evacuatio sequitur, vel partis rigor, ut vel claudere fonticulos opus sit, vel de novo torquere hominem novâ infusione, sicque actum agere. In defluxionibus tamen tenuis catarrhi non improbantur. Quo sensu *Hippocrates* Coac. Prænot. 172. ulcerum eruptiones liberare dixit à capitis dolore, materiâ nempe dolorificâ, ichorosâ & acri

& acri ad cutem depulsa, sicut explicant Commentatores. Abscessus quoque pone aures morbum solvit 6. *Aph.* 10. quanquam hic naturæ quasi sit crisis, vel materiæ *Σπίσσις* Naturæ juvante. Naturam tamen imitatur Medicus illius Minister. *Stephan. Rhod. Castrensis* l. 1 v. Quæ ex quibus c. 9. accuratè distinguit usum fonticulorum, in certis casibus illum admittens, respiciendo ad qualitatem, ubi vaporosa est materia, aut si pituitosa saltem labi facilis; ad quantitatem, ubi grave est malum & undique conquisita remedia postulat; ad loca per quæ ducitur, ubi ea quæ natura fabricavit, non satis patent, aut ubi fluxus per nervosum musculosumque genus peragitur. Circumspectè igitur hic agendum, nec fonticuli promiscuè inurendi: *Judicio Liberatis* de *Liberatis* l. 111. de *Podagr. Polit.* c. 2. parum juvant, si fluxio per internas partes fiat. Cum soli fluxioni ab externis vasis conferant, monente


*Mer-*

*Mercato* l. II. Pr. c. I. Quicquid sit de his, Libyæ pueri urebantur, ne phlegma à capite defluens offenderet, idque siccaretur. Propter quod se ipsos sanissimos prædicant, an propter hanc causam affirmare non audeat *Herodotus*, nec nos audemus. Præcautioni tamen inservit, ut creditur multis, epilepsiæ, familiari puerorum morbo, averruncandæ, de quo alii dispiciant, & nos rem altioris indaginis doctioribus relinquimus.

*Mercurialis Consult.* Tom. III. Conf. 138. ad quæstionem sibi propositam, sc. num ad conservandos Illustriss. cujusdam viri natos efficax auxilium sit futurum, si ipsorum capita, ut *Hetruscorum* mos est, incendantur: ita sentit, ejusmodi ustionem opportunè & prudenter administratam prodesse quidem, nullo modo autem obesse posse; præcipuè si natos plus æquo humidiores esse animadvertatur; si enim, ut perhibet *Hippocrates*, ulcera in infantium capitibus sponte naturæ

naturæ facta mirum in modum ipsis tuendis conferunt, pariter ulcera sub ejus morbi sedem ab arte facta procul dubio singularem utilitatem præstabunt. In soporosis affectibus quæ cauteria bregmati nostro seculo rarius inuruntur, quæque & aliorum & propria experientia damnat *Lud. Septalius* libro v 1. Animad. §. 107. deficientibusque aliis remediis concedit Avus meus Paternus b. m. *Cass. Bartholinus* de Caut. c. 8. licet periculo non vacantia, non tam humoris exsiccationi, qui profundiores habet radices, quam ut sensus torpentes excitentur dolore provocati. Hunc, ferrum ignitum, sive patens, sive theca tectum, quale ex *Aquapendentis* invento vidi in *Parentis* Musæo, delineavitque *Scultetus* in Armamentario Chirurgico, excitat. Nec minus œsypus Libyorum ex *Herodato* laudato, quem posteriores Græci Medici hyssopum, sed humidam, ad differentiam hyssopi herbæ, vocant, sicut in *Dissert. de Latere*



*tere Christi aperto* c. 8. probavit *Patrens Venerandus*, οἷο  sive vitex apud *Theophrastum* l. de Igne, linum accensum, & carbo ignitus. Nostrā quidem ætate Cauteria potentialia ex lixiviis aliisque arcanis composita, de quibus Avus meus b. m. *Casp. Bartholinus* l. de Cauter. & *Glandorpius* in *Gazophylac.* aliique plura annotarunt, minus horroris incutiunt delicatulis ægris; tutius tamen & citius actualia ulcus inurunt mundantque: ut verus sit *Hippocrates* 8. Aph. 6. *quæ non sanant medicamenta ea ferrum sanat; quæ ferrum non sanat, ea ignis sanat; quæ ignis non sanat, ea incurabilia judicare oportet.* Ubi tamen ignis vel verus, vel effectus & potentialis est intelligendus.

EXER.

## EXERCITATIO IV.

UNDE ODOR VIOLACEUS  
IN CAUDA VULPINA?

**S**Cilicet apparent etiam in minimis  
quæ miremur, nec in abjectissimis  
iners est provida Natura, quin stupen-  
da Sapientissimi Numinis manifestet  
miracula. Nihil in creaturis membro-  
rum est, quod non necessitatis causa  
& decoris, & in illa utriusque mutua  
copula elucet Creator, cujus magni-  
tudinem mirari quidem, æstimare sa-  
tis non possumus, quippe illam qui  
nosse se putat, minuit. In abjectissima  
vulpina cauda molita est natura quod  
admiratione dignum admirationem  
superat. Non vitream fractam, ut ne-  
quitia ille *Arbiter*, non somniorum  
loquor interpretamenta, experimen-  
to constant, quæ profero. Signavi  
brèviter historiam literis ad *Parentem*  
datis, quæ in *Actis Hafniensibus* legi-  
tur. Nimirum, cum talia magis semper  
ventilentur quàm vel investigentur  
vel

vel probentur, Ann. currentis xv. Feb. cum adhuc Hafniæ degerem, contigit apud Medicum inclytum, mihi-que arctissimo sanguinis & consuetudinis vinculo amicissimum *D. Henricum à Mönichen*, Archiatrum Regium meritissimum, experiri quid Nobilissimorum quorundam & Illustrissimorum hominum sententiæ dandum esset, quorum auctoritate passim increbuerat, in Vulpeculæ Cauda dari locum & ductum moschi odoris æmulum. Tentatum est à Profectore Exercitatis *Cl. Stenonio*, qui in dictum locum diligentius inquisivit, haud nescius *Theocriti* vetustissimum simul & prudentissimum esse oraculum,

Περὶ τὴν πάντα τελεῖται.

Cum hac posthabitâ majoribus quibusdam nostris tam facilis in mendaciis fides fuerit, ut temerè crediderint etiam alia monstrosa miracula, quemadmodum eleganter conquerentem accepimus *Minucium Felicem*. Nos autem observavimus, ad quinque  
trans-

transversorum digitorum latitudinem ab ossis coccygis initio, pilos aromaticum quendam, vel illi potius, qui in violis primo vere deprehenditur, similem odorem spirantes. Apertâ cute pilos dictos à glandulis quibusdam minutis conglomeratis radicestrahare vidimus, & quod notandum, collectio illa pilorum diversi coloris à reliquis horrida erat, instar setarum. Vidi quidem pilos, observavi glandulas, hausi odorem, sed unde hujus causam derivarem ex illo tempore dubius fui. Existimare quidem possem in re hac obscura confessæ imperitiæ summam prudentiam fore, interim tamen, ne tantò veritas obscurior fieret quantò inquisitio tardior, statui singula penitiùs considerare, ut quid inde concludi posset curiosis exhiberem. Cum magna mihi copia sit memorandi, plurimos esse qui alia naturæ miracula cum viderint, veram tamen eorum ignorant rationem, quâ ignoratâ frustra sunt qui

E

aliquid

aliquid inde elicere conantur. Placet testimonium hujus rei luculentum afferre, quod, quamvis non ita ad dicendi scopum, nec tamen inutile, nec ingratum erit. Vulgaris illa seu officinarum Lacca, Sumetri à loco natali dicta, quam in provinciis aliquot Indiæ orientalis ex succo proceræ cujusdam arboris fieri scribit *Garzias ab Horto*, dum à formicis alatis succus quidam exsugitur, qui in laccam redactus ramis arborum inducitur, uti cum iisdem ad nos deportari videmus. Nimirum hujus gummi laccæ vera Tinctura, quæ colore rubello oculis adeo blanditur, ut nihil supra, frustra à multis quæritur, quia plerumque lacca ad hos usus eligitur bacillis demta, quæ tamen eludit ad rem ipsam minus intentos. Quippe cognatus amantissimus *Oliger. Jacobæus*, naturæ totius ingeniosus scrutator, & itineris mei comes optimus, observavit in Lacca hac dum adhuc bacillis suis inhæret, intus latere semina

mina nigricantia, sed minuta, quæ dissecta colorem intense purpureum haud ineleganti spectaculo exhibent. Horum ope tinctura illa rubicundissima solum paratur cum alcohol vini, & è contrario his demtis voto non respondet operatio suscepta. Sed ut ad rem redeam, re vera in cauda vulpina glandulas esse non dubitavi, illasque minutas vidi, quas in numerum conglomeratarum referre nihil occurrebat quod prohiberet.

Glandulæ diu pro parte corporis ignobili habitæ & pro spongiis, quæ nescio quas superfluos ac redundantes corporis humores absumerent & quasi imbiberent. Donec *Wirfungus* ductu suo peculiari pancreatis glandulam nobilitans, fenestram quasi aperuerit, vasis reliquarum glandularum & inveniendis & inventorum usui agnoscendo. Nec ab illo tempore defuere, quorum circa reliquas glandulas observationes singulares legerentur. *Warthonus* quantum in hac

arena sudaverit & effecerit peculiari opusculo publico exhibetur. De glandulis quid non tentavit Celeberrimus *Stenonius*? cujus incomparabilis ingenii indagine & assidua diligentia, plurimis plurimarum partium glandulis detectis ingens ad Anatomen accessit complementum. His & aliis documentis, glandulæ non amplius habendæ pro parte corporis; vel otiosa vel superfluis humoribus dicata, sed pro Cribro, quod à sanguine humorem secernit, sed conservationi individui necessarium. Quod facile confirmatur, cum non alibi magis quam per totum ductum viæ alimentorum, talia cribra vel parvula variè sparsa, vel in corpora insignia coagmentata occurrant. Quarum glandularum ut conglomeratæ receptum humorem à sanguine secernunt, ita conglobatæ receptum humorem in sanguinem revehunt per vasa *Parentis* mei Nominis insignia, quæ divisio Celeberrimo *Sylvio* debetur. Quæ quidem glandulæ

læ conglobatæ cum Renum structura  
 conveniunt quâ cavitatem unde ex-  
 eunt excretoria vasa, & quâ convexi-  
 tatem partis oppositæ, ubi liquor à  
 sanguine secretus percolatur. Unde  
 in Renibus non pauca detexit poste-  
 riorum temporum felicitas. De eo-  
 rum structura Cl. *Bellinus* accuratissi-  
 mè tradidit, qui felici invento do-  
 cuit Renum substantiam nec paren-  
 chyma nec fibras carneas sed tubulo-  
 rum membranaceorum aggeriem esse,  
 & horum ductibus serum, à renis pe-  
 ripheria versus centrum ejus delatum,  
 in pelvim exstillari. Quare memini  
 Anatomicum Lugdunensium Exerci-  
 tatissimum *D. Carol. Drelincurtium*  
 publicè experimento curiosissimo in-  
 fudisse aquam. per arteriam renis e-  
 mulgentem, quæ non solùm per ve-  
 nam iterum, sed etiam per ureterem  
 exitum invenit. Hac ratione Renes  
 & reliqua viscera cum glandulis cri-  
 bra haberi possunt corporis, quorum  
 unumquodque suos proprios & pecu-  
 liares



liares poros habet; Atque ita particulæ variæ sanguineæ per totum corpus circulatæ, ubi earum unaquæque sibi appropriatos poros invenerit ingreditur & ibi à reliquo sanguine fecernitur. Eò fit quod bilis non alibi, quamvis aliò feratur, quam in Hepate fecernatur, quia ibi sibi conformes poros invenit, serum in renibus, &c. De quibus corporum poris Patruus honoratissimus *D. Erasmus Bartholinus* singulari opusculo legi meretur. Sed ut ad glandulas sermonis metam dirigamus, observatæ sunt plurimæ partes quæ glandulæ sunt, cum tamen secus hætenus putatum sit. Crustam internam ventriculi & intestinorum volunt nonnulli glandulosam esse. Et in Anatome *Parentis* nova exhibentur ex communicatione *Swammerdamii* tubuli glandulosi in intima intestinorum tunica à glandulis devenientes. Quam tunicam alii velamentum bombycinum vocant. Præterea quod ad glandulas has, vulpinæ caudæ

caudæ proprias, propius accedit, observantur etiam in aliis quibusdam animalibus peculiares nonnullæ glandulæ, quibus reliquas species antecedunt. In volucrum genere in œsophago supra ventriculum illum carneum insignis est collectio minutarum glandularum, ex quarum tubulis humor alimenta resolvens in ventriculum redundat. Quod corpus tubulatum in Anatome Aquilæ, publicata in *Actis Hafniensibus Parentis mei* Ann. 1672, descripsit D. Ol. Borrichius. Et ego in Cygno 1673. d. 16. April. à me Hafniæ dissecto memini, præter hæc dicta tubulorum glandulorum glomeramina, me notasse plurima toto ductu œsophagi foramina humorem emittentia, & alia foramina majora in ingluvie, multa itidem ad latera linguæ, secundum longitudinem ejus sita, setam satis profunde admittentia, quibus prospexit provida Natura avium ventriculis ad alimenta, quæ promiscuè hæc genera

animalium ingerunt, promptius & facilius dissolvenda. In quadrupedum genere, præter illas Vulpinæ caudæ peculiæres, apud *Stenonium* 1672. d. 6. Novembr. in sectione gliris foeminae Hafniæ visæ nobis sunt in inguinum regione glandulæ utrinque duæ, quarum exitus ad latera vulvæ terminabantur, humore instar lactis refertæ. Cæterum in Cauda Vulpis non glandulæ solum, quas præ reliquis, quantum quidem hæctenus scire licuit, animalibus ibi peculiæres habet, sed odor, quem spirant pili quamvis insolitum, non tamen ingratum, quin potius Violarum sub primo Favonio fragrantium æmulum, admirationem meretur. Sanè odor ille tanta suavitate haud immerito decantatur, ut etiam *Plutarcho* Symp. III. Corona Violacea τέλλει τῇ ὁσμῇ τὰς κεφαλὰς, *odore sistit gravitatem capitis*. Certum est in aliis rebus variis sedulam Naturam aromaticos producere odores. In Animalium genere odoratas quibus-

quibusdām esse partes, ut Moscho, de quo *Parens* in *Actis Hafniensibus* utriusque Anni fusiùs legi potest, liquidiùs constat quam ut nos multis attingamus ad alia properantes. De Pardali seu Panthera antiquis proditum est, propter suavem quem spirat odorem, ad se feras allicere ut ex *Theophrasto*, *Plinio*, *Æliano*, latè explicat *Cassellus* in *Jonstoni Hist. Quadr. de Hyæna odorifera*. In hoc tamen reprehendit *Aristotelem*, quod Sect. iv. Probl. 13. præter illud animantium nullum bene olere dicat. Cum tamen aliter ex solo *Plinio* constet, qui lib. xxviii. de animali Cordylo Crocodilo simili ita: *Alter illi similis, multum infra magnitudinem, in terra tantum, odoratissimisque floribus vivit: ob id intestina ejus diligenter exquiruntur jucundo nidore facta, Crocodileam vocant*. Habent etiam Animalium excrementa quæ nos admiratione detineant. Ut præteream quæ de Zibetho omnibus ut comperta ita

controversa & diffuse persecuta à *Castello* loco supra memorato; Cum nuper *Ger. Blasius* in *Observatis Anatomicis*, ex Anatome *Felis Zibethicæ* utrinque in intestino recto circapodidem vesiculam insignem delineaverit & descripserit, quam distentam nucis Moschatæ majoris magnitudine liquorem album per orificium exiguum ad anum ablegare dicit. Stercus etiam bubulum sibi in Sole relictum & exsiccatum aromaticum nescio quem odorem referre dicitur. *Renodeus* de *Mat. Medic.* l. III. c. 15. de genere quodam majoris Mustelæ, quæ quod martia sit & pugnax quibusdam Martes, aliis Martorella, vulgo Fovina dicitur, perhibet, quod excrementa ejus moschum redolere sæpe observaverit. *Scaligeri* monitum est *Exerc.* 211. P. 2. Cercopithecum nihilo insuavius quam moschum fragrare, mediocriter tamen & sine fastidio. Murium sylvestrium, qui flavo colore nuncupantur *Sorci moscaroli*,

*roli*, stercus moschi præditum odore, prædicat *Castellus* l. c. & addit *Jonstonus* se observasse parva quædam insecta vaginipennia, à se l. I. de Insect. Tit. II. descripta, contrectata suavissimum spirare odorem, qualem in floribus *Dipcadi*, seu *Muschi Græci* dicti, percipi refert. De serpentum lingua perhibetur, si per aliquod tempus fervetur, quod moschi imitetur fragrantiam. *Parens Venerandus* in Dissertatione nupera de *Peregrinatione Medica*, quam peregrinantibus nobis ceu tesseram votivam contulit affectus verè Paternus, refert se in itinere suo in Italia monitum à curiosis, vulvam *Bubalinam* exsiccatam odorem moschi referre, ideoque in unguentis adhiberi à myropolis *Neapolitanis*. *Corticis Pistachiorum* externa pellicula si incidatur & cum tabaco, ut nonnullis familiare est, incendatur, violas redolet. Nolo me per plantarum genera latè diffundere, contentus de radice *Primulæ veris*, seu herbæ,

bæ, quæ Paralyſis dicitur, aſſeveraſſe, in illa è terra recenter extracta; an iſi odorem manifeſtè deprehendi. Per plura non progrediar è diverticulo in viam reverſurus. Odor ille Caudæ Vulpinæ vel ſanguini, qui ad glandulas deſertur, & cujus vaſa numeroſa, ſed minuta, circa glandulas illas diſfuſa obſervavi; vel iſiſ glandulis imputari poſſet, quæ peculiarem ſecernerent humorem, pilis in nutrimentum ceſſurum. Vel etiam ſalivæ Vulpis, quippe caudam frequenter lingere à Venatoribus perhibetur. Qua quidem in parte, ſi modo credere fas eſt, aliquid cum Urſo commune habet. Quare nec incommodum nec ingratum fuerit verbo annotaſſe, quæ in Anatome Urſi à Cl. *Stenonio* Hafniæ quondam diſſecti, circa partem inferiorem pedum anteriorum, quam depilem Urſi frequenter, hyeme præſertim, exſugunt, obſervaverim :

I. Subſtantia ſolida & ex infinitis  
cana-

canaliculis perpendicularibus composita, quæ substantia an cuticula incrassanda dicenda sit, dubitari poterit.

II. Ipsa cutis mollis & crassa, quæ superficie sua exteriore plurimas fibrillas seu vascula emittit, suis singula canaliculis prædictæ parti inserta. Id quod pulchrè admodum conspiciebatur relicta utraque parte per aliquod tempus in aqua calcis vivæ; tum enim ab invicem secedentes duæ illæ partes vasculorum seu fibrillarum è canaliculis exitum ostendebant.

III. Substantia alba, mollis, pinguedini non admodum dissimilis, sita ad radices digitorum, ita ut cuilibet radici sua esset pars distincta à vicinis. Visa etiam vasa sanguinea ad eandem distributa partem, unde probabiliter credidit *Stenonius*, quemadmodum naturaliter per cutem secernitur aliquid à sanguine, modò halitus modò sudoris forma, sic in hac parte Ursi fieri secretionem partium serosarum sanguinis eò copiosiore, quò frequen-



quentiori fuctu major materiæ copia allicitur, porique apertiores redduntur. Quod an ita in Cauda Vulpina fiat, & loco materiæ nutrientis, quam exfugit Ursus, halitus aromaticus ille à cauda vulpis exhalet, nos altioris indaginis in medio relinquemus; Cum tamen tale quid de Zibetho existimaverint nonnulli, nempe sudorem animalis esse, inter quos *Scaliger*, *Matthiolus*, *Renodeus*, *Jo. Leo* in descript. Africæ, quia fatigato, irritato & sudante animali plurimum colligitur. Imo etiam elicitur sub coxis, brachiis, collo & cauda ex *F. Gregorio*, quemadmodum pluribus illustrat *Petr. Castellus* de Hyæna odorifera Zibethum gignente, cap. 8. quanquam Auctori- bus supra memoratis non largiatur propriè sudorem esse, quia humorem solum collectum odoratum, non pellem, axillas, carnem vel totum corpus deprehendit, nisi forte à modo quo colligitur in utriculis hoc nomen sumatur, & ita concedit; videri enim à

cor-

corpore glanduloso & spongioso per invisibiles poros in cavitates folliculorum resudare, ideoque dici debere non simpliciter sudorem, sed membri Zibethici sudorem, contendit. Quicquid sit, instituti nostri rationi satisfecisse videbimur probabilia tantum proposuisse, per quæ ad veram conclusionem perveniendi Doctioribus & Sagacioribus majori tum Eruditione tum ingenio in hanc scenam prodituris, occasionem aperimus, iisque libenter hanc lampada tradimus. Quippe reputo pretiosissimum esse intelligere quemque se nescire quod nesciat, semperque cupere quod ignoret addiscere. Interim

*Ego Davus, quis Oedipus?*

EXER.

## EXERCITATIO V.

D E

BRASSICÆ USU APUD  
PUERPERAS.

**N**ON amore brassicæ, quam rarò naturæ quadam aversione degustavi, sed quod usus iste, à me explicandus vulgatissimæ plantæ à Botanicis negligatur vel omittatur, hunc sermonem instituo. Cujus occasionem dedit *Athenæus* lib. ix. Deipnosoph. ubi inter cibos Atheniensem, qui mulieribus, quæ peperissent, parari consueverant, brassica numeratur, velut idoneum medicamentum quoddam, & aptum nutriendo corpori. Id quod illustrat auctoritate *Ephippi*, quem ita in Geryone loquentem inducit, sed hic per interpretem *Jac. Dalecampium*: *Deinde cur quæso? Nulla præ foribus corona est, Nec ullus ferit victimarum nidor extremam prominentem narem, Cum Amphidromia celebrentur, quibus mos est Assare frustra*

*sta casei Chersonitæ, oleoque brassicam in fasciculos collectam incoquere.* Vulgare quidem ex brassica medicamentum, sed quod pretiosis nulla parte cedit. Neque enim pretiosa semper salutaria, cum, ut *Seneca* loquitur lib. 11. de Benef. cap. 2. etiam aqua tempestivè data remedii locum obtineat. Ut ratio hujus diætæ apud Athenienses sit manifestior, operam dabimus. Brassica certè inter salutare cibos numeratur, quâ solâ medicinâ usum esse *Populum Romanum* annis 600. tradit *Plinius* lib. xx. cap. 9. nostrisque patriæ incolis non rarò pro panaceâ habetur, quâ & stomachum latrantem sedant & morbos avertunt. Est quippe alimentum medicamentosum, quod clarius innuit *Athenæus*, cui dicitur ἀντηφάρμακον εἰς τροφήν: quàm interpretes *Dalecampius*, qui divisit medicamentum & aptum nutriendo corpori. Ut Medicamentum laxans *Hippocrati* laudatur lib. 11. de Vict. Rat. quod per alvum secedit, & biliosa educit,

idque quia acrimoniam quandam habet, simulque boni succi est ex eodem lib. *de Affect.* De juscule ejus id accepit *Galenus* Com. 1. de Vict. Rat. in Acut. f. 18. & *Ægineta* lib. 1. de Re Med. cap. 74. nam solidum brassicæ corpus ventrem cohibet, quod etiam demonstrat *Galenus* lib. 1. de Alim. facult. cap. 3. & lib. 11. cap. 44. & *Oribasius* lib. 11. Collect. Medic. cap. 5. vel si bis coquatur, ex *Ægineta* l. c. De qua re etiam legendus Venerandus Senex *D. Simon Paulli*, Class. 3. Quadrip. Botan. p. 229.

πολλῶν ἀνιάξις ἄλλων.

*Dioscoridi* l. 11. c. 146. βρυχίλιος est brassica, si leviter frigefacta edatur. Cujus etiam decoctum potu alvum mensescit apud eundem *Dioscoridem* l. c. Alvum superiorem deicere *Cato* de R. R. c. 157. refert. Et *Plinius* l. xx. c. 9. alvum leniter emollire. Neque improbanda in puerperis brassica, quod laxet, cum ex re maximè sit post partus labores alvum, aliàs segnem, irritare

tare ad excernenda excrementa tot mensium fastidiis cumulata, partim ut inflatio ventris, puerperis familiaris, avertatur, partim ut lochia promoveantur, & secundinarum reliquæ, si quæ sint, expurgentur. *Hippocrat.* alibi l. de Nat. Mul. puerperii reliquias purgat Sambuci foliis affuso oleo coctis, & brassicâ coctâ. Sunt qui blandioribus his non contenti ad fortiora descendunt, si vires ferant, ad hieram, Agaricum, diagridium, quibus cautiore substituire malunt enemata vel suppositoria. Cautè enim tractandæ exulceratæ partes, viribus à partu, præsertim laborioso & difficili, debilitatis, ne prorsus prosterantur. Diarrhœam tamen, si lochia parcius fluant, salutari eventu profuisse puerperæ, *Parens Venerandus* observavit. Prudenter verò Athenienses cum Amphidromia celebrabantur, hoc est, quinto puerperii die brassicam concesserunt, cum recentia essent uteri vulnèra, & dolores reliqui

adhuc essent. Idque Veterum Medicorum autoritate. *Scribonius* enim *Largus* Comp. 121. ad mulieres quæ fluore sanguinolento infestantur, quod  $\rho\acute{\alpha}\nu\ \epsilon\pi\upsilon\theta\rho\acute{o}\nu$  Græci dicunt, vel ex partu abortive, quæ residuos vulvæ dolores habent, & in totum quibus suppressendus est fluor, aut ex aliqua parte corporis inflatio tollenda, Compositionem commendat, cui brassicæ semina inter alia roborantia uterum admiscet, quam potionem etiam febricitantibus tutò dat, sed coeliacis in ipso dolore prodesse. Ad tormina brassicam aqua macerat *Cato* de R. R. c. 157. coquit & addit salem, cuminum, polentam & oleum. Ad ulcera maligna cum ab *Aegineta* l. VII. & *Galeno* l. VII. simpl. Fac. laudetur brassica, ad erysipelata, vulnera & tumores, quod in se quiddam absterforium habeat, commodum sanè primis puerperii diebus ad sanandas exulceratas partes adhibetur brassica, quam etiam externâ appositione foliorum inflammatio-

mationes, pustulas, vulneraque sanare vulgo notum. *Athenæus* κρεμνίω seu brassicam pro ῥαφάνῳ Ehippi substituit, quippe veteres Græci ῥάφαρον καὶ κρεμνίω confuderunt, sicut ex *Phrynichio*, *Ammonio*, *Nicandri Scholiaste* demonstrat *Rhodius* noster multiscius in Lexico Scribon. Quam consuetudinem etiam recentiores retinuerunt, damnati *Galenus* l. 11. de Alim. Facult. c. 44. de brassica: *Qui falsam*, inquit, *doctrinam confectantur olus hoc ῥάφαρον* contendunt appellari, proinde ac si jam cum iis *Atheniensibus*, qui ante 600. fuerunt annos, nobis sermo esset, non cum *Græcis*, qui nunc sunt, quibus omnibus mos est in nulla alia planta brassicæ nomine uti. Ex *Eubulo* iidem versus citantur *Athenæo* l. 11. servata quoque raphani voce, & brassicæ ab Interprete. In eo tamen differt *Eubolus* ab *Ehippo*, quod ille ῥάφαρον vocet ἡγλαισμένῳ, brassicam splendentem, hic ἡγχαλισμένῳ in fasciculos collectam. Quæ facile à scribis poterant



terant confundi, nisi utramque nomenclaturam brassicæ convenire dicamus, ut & splendida sit & in fasciculos compacta, ut melius coqueretur. Eubolo tamen favet brassicæ splendor quo in lævibus foliis nitet, & veterum superstitio, qui pro sacra herba habuerunt. *Nicandro* divina crambe dicitur, per quam jurasse, imo quam adorasse ex Ananio & Hipponacte apud *Athenæum* l. ix. liquet. Quocunque modo ista accipiantur, oleo brassicam incoquebant Athenienses, propter easdem indicationes, ut vel brassicæ laxandi vim augerent, cui substituit *Dioscorides* l. ii. c. 146. succum crudum brassicæ cum iride ac nitro devoratum, sed *Ægineta* l. i. c. 74. oleo garum aut salem jungit, ut magis subducatur; vel vulneratas partes demulcerent, vel denique ut ferculum gratius redderent. Oleo enim cibos coquebant, sicut adhuc Itali cæteræque nationes, quæ oleo recenti suavique abundant. Vel oleo condiebant.

diebant. Hinc *Persius* Sat. VI.

— *nunc nunc impensius unge,*

*Unge puer caules.* —

Cujus loco lardum etiam adhibebant,  
quod innuit *Horatius* Satyr. VI. l. II.

*O quando faba Pythagoræ cognata,  
simulque*

*Uncta satis pingui ponentur oluscula  
lardo.*

Cui oleo Septentrionales butyrum domesticum substituunt; Quod oleum à lacte veteres appellavisse annotat *Fort. Plempius de Valet.* Tuend. c. IV. nulla parte bonitatis oleo cedens, sicut in Batavia *Αὐταρχεία* probat *Jo. Beverovicus*, & *Parens* in Medicina Inquilina; quibus favet *Gasp. Hoffmannus*, Germaniæ immortale decus, qui in *Hist. Oleæ & II. de Med. Officin.* c. 164. affirmat oleum nihil substantiale inferre ad alimentum, sed adjuvare tantum concoctionem frigidorum ciborum, quibus frequenter additur, ideoque Germanos hoc condimento carere posse si rectè utantur

butyro suo, quod familiare est carnibus quibus ferè vescimur præ Italis olitoriis. Proprio exemplo rem confirmat *Hofmannus* magnus, cum enim Patavii initio Quadragesimæ edisset pisces frigidos in oleo frixos, sensisse se per totum decennium ructus nidoros. De quibus & conquerentes alios audire est ex Italia reduces. Sed, nisi fallor, olea recentia minori incommodo, quia suaviora stomacho offeruntur, cibisque admiscuntur, quàm rancida, qualia non raro in diversoriis eliguntur, cum ista recentia, tàm cibis nostris, si id moris apud nos esset, & haberi semper possent, appropriata sint quàm vina peregrina, aliaque aromata exotica, quibus carnes in culinis nostris coquuntur. Præterea notandum pro Italis ex 2. *Aphor.* 50. consueta longo tempore etiamsi deteriora sint, insuetis minus molesta solere esse.

## EXERCITATIO VI.

D E

## F U M A N A H E R B A,

*Cum D. ARNOLDI SYEN ejusdem  
argumenti Epistola.*

**H**Aud æquus Floræ viderer, si in hoc decursu latè parturientes ejusdem divitias alto involverem silentio. Non desunt exempla veterum, quorum ad suam quisque plantam summo studio latus. Accepimus quod laudaverit Erasistratus Lysimachiam; Bulbos Pythagoras; Diocles Rapam; Urticam Phantias; Cato Brassicam. Ego Majores, quanquam impari gressu, secutus, facilem me habiturum veniam spero, si paulatim per susceptum progressus argumentum, à tenebris vindicavero, quæ vel latent vel obscuriora sunt. Nimirum *Io. Rhodius* Danus, Vir Polyhistor & in omni humanioris scientiæ genere consummatæ Eruditionis, qui per triginta & amplius annos Patavii vixit, possedit Manuscri-

F 5

ptum

ptum quoddam *Francisc. Ariosti Peregrini* de oleo Monzibii ad Borsium Ducem Regii & Mutinæ, &c. MS. An. cłoccccxliv. in quo auctor meminit herbæ cujusdam, Fumanæ nomine, in monte illo Zibio enatæ. *Rhodium*, ut erat omnis antiquitatis totiusque naturæ indagator sagacissimus, motus ignotæ Botanicis plantæ & nomine & descriptione, ad Celeberrimos sui temporis Botánicos provocavit, brevem plantæ ex *Ariosto* descriptionem cum icone typis traditam ad singulos misit, ut singulorum judicia exerceret. Cum ego jam MS. hoc, quod *Rhodii* olim fuit, dono *Parentis* possideam, libet in illam *Ariosti* descriptionem & aliorum à memorato *Rhodio* consultorum sententias, quas inter reculas Ejusdem obiter notatas reperi, paullo accuratius inquirere, & singula Eruditis exhibere, omnibus æquum de illis relicturus iudicium. Hæc itaque verba *Ariosti* in MS. de Olei Monzibinii ortu, situ,

vi,

vi, &c. ad descriptionem Fumanæ nostræ pertinentia, & olim Patavii à *Rhodio* foliolo unico publicata huc afferam, ut de singulis quid veri habeamus constet: *Illud autem*, inquit, *non te lateat*, *Sapientissime Princeps*, *quo ad umbilicum rimata omnia esse intelligas*, quæ ad rem attinent, *Rupem hanc*, de qua *fontis hic sacer oleum manat*, neque *herbam*, neque *arbustum*, neque *arborem ullam*, ad *sagittæ jactum supra circaque se emittere*: sed *ibi tum demum raras admodum juniperos*, *raras myricas*, *vepresque raros*, & *perraras sese offerre ulmos*: *Verumtamen herba quedam*, *cujus generis nunquam me vidisse memini*, de ingenio ad declivem rupis initium subcrescit: quam etiam incolæ *Fumanam* vocant: *Hæc Hortulano tithymalo ferè similis est*: nî quod illud *simplici*, hæc autem *ramoso subrufoque sese erigit fuste florem pariens chamomillæ flori parum dissimilem*; nî quod illud *intumens*, quale in *chamomillæ flore albis foliolis uti corolla pulcherri-*  
*mè*

*mè cingitur, hic detumet, & ad folliculi similitudinem defossus est, quasi eo seu siliqua reclusum semen foveatur. Ac veluti nullum odorem spirat, ita & vanum & insipidum saporem degustantibus præbet, ac si fatua esset materia, quæ intam sterili loco, & sub pallido rupis vertice, unde ingens ad fontem præcipitium derivatur, naturali nescio quo fato oboriatur. Addidit & Rhodius hujus Fumanæ icona, quam hic adjungere, ad meliorem rei cognitionem, haud gravabor, dummodo Lectorem non pigebit vidisse eam, quæ cum viva plantæ imagine certat:*

*Ego singula luculentius assequi statui. Credo Zibinii montis nomen Scriptorum veterum aut Geographorum nulli innotuisse. Describit ita prædictus auctor noster, ex cujus MS. hæc delibabimus: Inter montana oppida, quæ Mutinensi in agro sita sunt Monzibius est. Idque non quidem vulgare. Nam felici admodum insidet promontorio: tum cæli benignitate, tum*  
*fæcun-*





*fœcunditate glebæ, tum autem vini præstantiâ ficusve, atque oleæ. Quorum copia utique in immensum claret. Montenzibibum priscos ob uvæ elegantiam quondam vocitasse ferunt. Inde vero syncopari concinnius visum est. Recentiores passim meminere in olei hujus descriptione, sed diversa nomenclatura. Amat. Lusitan. in Dioscor. l. 1. Enarr. 91. cum Ariostoplanè consentit, tantummodo montem Zilium vocat, inquit: Naphtha, oleum quod ex petra vel terra erumpit, nascitur sub dominio Illustrissimi Ducis Ferrariæ in Mutinensi agro, præsertim in monte Zilio dicto. Paulo aliter Fallopius Zibbum nominat 11. de Ulcerib. c. 11: Oleum montis Zibbi & Naphtha alioquin, vocaturque vulgo oleum petroleum. Ab hoc discrepat Bellonius de Admirab. oper. Antiq. Præstantia lib. 111. cap. 5. apud quem monshic Zibiti nomine venit: Naphthicum autem, inquit, oleum, quod circa montem Zibitum prorumpit,*

13. à Mutina miliaribus sive Modena distat. Diversam adhuc etymologiam secutus *Solenander* de Calor. Font. Causa cap. 10. Bitumen, inquit, Medici vocant Naphtham vocabulo Babylonico. Ruffo colore est, quod vidimus circa montem Gibium in agro Mutinensi non procul à Saxolo vico. Ita etiam ferè *Agricola* de Natur. eorum quæ effl. è terr. l. 1: Bitumen liquidum candidum, præcipuum Naphthæ genus effluit in agro Mutinensi ex monte, quem Gibbium vocant. De quibus & aliis major forsitan alibi loquendi dabitur occasio. Interim quicquid in nomine hoc ludant diversæ auctorum sententiæ, certum est oleum hoc in monte colligi, qui xv. mil. Bononiâ distare dicitur, sub Marchionatu Vignola, vulgo Ital. *oglio di pozzi nuovi*, quia Monszibii commune est quod paret Sassolo xv. mil. Mutino distat, ex quo stirpem operâ *Vidberi* Bononiâ quondam habuit *Joh. Rhodius*. Nos missa hac de montis nomine

mine controversia ipsam Fumanam intuebimur. Quod de hac rupe prodit *Ariostus* nullam ibi ad sagittæ jactum vel herbam germinare, vel arborem assurgere, forsan quia ut *Plutarchus* de placit. Philos. lib. I. cap. 3. omnes stirpes humido aluntur, idque suæ fœcunditatis causam habent, eoque destitutæ exarescunt; hoc cum lacu bituminoso Judææ commune habet, in quo stirpem nullam nasci author est *Galenus* lib. IV. cap. 20. Simpl. Sed quod ad herbam quam ibi reperiri solam Fumanæ nomine describit, nulli Botanicorum hoc nomine innotuisse certum est; Nec enim à nominis quadam similitudine ad Fumarias referenda. Notum est quod *Fumana* Italico idiomate vel fumum ingentem, vel denotet fluvium. Quanquam utriusque notio herbæ loco natali quodammodo competeret, magis tamen in priorem inclinandum censeo. Quo sensu *Claudianus* Fumantia pascua accepisse videtur

detur Eidyll. vi. de Apono Fonte :

*Humida flammæ Regio Vulcania*

*terra*

*Ubera, sulphuræa fervida regna  
plagæ.*

*Quis sterilem non credat humum? Fu-*

*mantia vernant*

*Pascua: luxuriat gramine cocta*

*sillex.*

*Et cum sic frigida cantes fervore li-  
quescant*

*Contentis audax ignibus herba vi-*

*ret.*

Quæ quidem apprimè Fumanæ no-  
stræ conveniunt, unde verisimile vi-  
deri posset; incolas hac tracta simili-  
tudine Fumanæ nomen indidisse,  
quippe quæ in terra atra ad fontis la-  
bra nascitur in monte Zibio. Aldro-  
vandus depinxit nomine Coridis fru-  
ticolæ, qui tres descripsit species;  
majorem & minorem fl. rubro & ter-  
tiam fl. luteo. Cæterum de hujus vera  
denominatione recte afferri possunt  
verba Hippocratis l. i. de Vict. Rat.

G

πολλοι

πολλοὶ θαυμάζουσιν, ὀλίγοι γινώσκουσιν. Nec enim, ut egregiè *Galenus* 1. de Ufu part. hominibus credendum, quia auctoritatis pondus habent, sed quia rationum fulcrum adhibeant. Ab *Aristo* ipso perhibetur Fumana Tithymalo ferè similis haberi ab Hortulano, nisi quod illud simplici, hæc autem ramofo subrufoque erigatur fuste. Sed ad examen recti judicii qui revocat, videbit alia quæ adhuc magnam inducere possunt differentiam. Quamvis Tithymali quandam speciem mentiri videatur, lactis tamen defectus & floris forma manifestè distinctionem faciunt. Nisi formâ æmulari credamus Tithymalum illum, quem *Dodonæus* Pempt. III. l. II. c. 12. à parasio seu maritimo parum abludentem, eidem subjungens, hortis increfcere ait. *Hieron.* *Tragus* hortis vineisque innasci suum ordine tertium vult tithymalum; non tamen absque dubio, quin folia, quæ huic latiora, convenientiam cum nostro dissuadeant. Major  
forſan

forſan debebitur aſſenſus *Carolo Stephani*, qui in ſuo, quod edidit, prædio ruſtico, ſeptem faciens tithymalorum mentionem, tertium *καὶ ἐξοχλὺν* uno vocabulo tithymalum indigitat, quem furculis deſcribit rubentibus, palmum altis, quinis ſenisve à radice exeuntibus, foliis lini anguſtis, parvis, oblongis, in ordinem digeſtis, &c. Conveniet itaque quodammodo hæc Tithymali ſpecies cum illa, cui ſimilem ab hortulano Fumanam noſtram fingi refert *Arioſtus*, niſi quod hæc ſimplici ab *Arioſto*, illa ramoſo fuſte à *Carolo Steph.* deſcribatur. Tithymalo Cypariſſio ſimilem literis Bononiæ ſcriptis ad *Jo. Rhodium* teſtatus eſt *Vidberus*. Forſan etiam fingi poteſt eſſe Erica Baccifera (quæ Myricæ ibi naſcenti affinis eſſe ſolet ex *Dioſcoride*) *Fallopia* indicio deſcripta à *Matthiolo* l. i. c. 100. quæ *Tabernomontano* tenuifolia, licet haud æquè ad vivum depicæta. Deinde, Fumanam floribus haud diſſimilem Chamomillæ in de-

scriptione supra adducta accepimus; quod quo jure factum non video, cum nemini ignotum credam chamomillæ discum illum orbicularem medium, corollæ instar foliorum candicantium serie cinctum, intumescere, Fumanæ verò nec interiorem turgere peripheriam, nec in sphæricam se attollere superficiem, sed potius subsidere (quod *detumere* dixit *Ariostus*) & folliculum seminis propagationi dicatum non obscurè promittere, figura indicat. Quocirca non ad coronatarum plantarum genus, in quo chamomilla, sed potius ad quoddam vasculosarum pertinet, cum in floris centro, ceu filiqua, semen reclusum dicatur, quod secus in chamomilla, ubi apertum & liberum. Quæ fortasse ratio alios adduxit, ut *Corin*, vel *cistum*, vel *Eriacam*, vel *Helianthemum* imaginati sint. Quæso quid cum chamomilla commune indicat flos Fumanæ depictus? Nisi *Adonidem sylvestrem Bauhini* huc, licet absurdè, advocaveris,

veris, quem chamæmelum *Dodonæus* & *Gesnerus* cum *Tabernomontano* nominant. Quin & figura, quâ florem quinquifolium diversis sed propriis suis delineatum coloribus habeo, insignem & notabilem colorum varietate exhibet differentiam. Nisi accidere huic fingeremus, quod de Helleboro nigro roseo *Bauhini* novimus, quod juvenis adhuc flos lacteum indies in rubicundiorum mutet colorem, donec tabida ei senectus roseum adimat amictum, herbaceo illi inducto velo. Majori similitudine, dummodo florum conveniret facies, ad novam quandam bellidis vel chrysanthemi referenda esset speciem, quod cum flos pentaphyllus dissuadeat, tentabimus adhuc si probabiliori classi adscribi possit. Consuluit, ut dixi, quondam memoratus *Rhodus* sui temporis Botanicos summos, inter eos *Petrus Castellus* Messanâ scripsit sentire se legitimam esse *Corin*. Ille itaque ut plantam hanc in suam speciem



ciem ultimam resolvere possit, primum ad proprium suum genus relegat, plantarum omnia genera à seminis producendi modo, ut ab earum natura & specifica proprietate, distinguens in unisemina, bisemina, trisemina, quadrisem. ut & univascula, bivascula, trivascula, &c. Quocirca inter vasculosas collocans, Corin esse putat legitimam, persuasus hujus similitudine cum Coridis legitimæ planta, quam ex semine è Creta misso in Academico Messanensi horto quondam aluit; Eamque per omnia cum hujus Fumanæ & Icone & descriptione convenire credit. Et præterea quod coridis flos foliolis quinque constet, ut hypericon & congenera, totidem in picta plantæ effigie spectentur. Tandem etiam contendit in floris corde vasculi speciem demonstrare, hyperici, androsami & coridis proprium esse, quemadmodum & in icona Fumanæ vasculum seminale apparet, veluti etiam depingit

Cori-

Coridem *Pona*. Habere hoc quidem speciem veri, confirmat Fumanæ, quam possideo, delineatio, nativis expressa coloribus, quæ cum Coridis icone à *Joh. Pona* in suo monte Baldo posita, & ab *Honorio Bello* Epist. 1. ad *Clusium* descripta, collata, quodammodo similis videtur. Et fortasse putaverit corin luteam *Bauhin*. Pin. lib. VII. f. 5. p. 280. Cæterum vascula invicem collata aliquid pariunt diversitatis; Capsula enim rotunda, qualis convolvulis & aliis inest, cui foliola, florem prius erumpentem circumvestientia, ceu pelliculæ subjacent, multum à vasculis Hyperici, Androsæmi, Coridis variat; quin nostram hanc univasculorum potius, quàm multivasculorum speciem figura possit indigitare. Quamvis consentiret quidem foliorum similitudo. Ericæ folio describitur Coris *Dioscoridi* lib. III. cap. secundum *Saracen*. 174. at *Ruell*. 149. Κόεις, inquit, ὃν δὲ καὶ τὸ περιχὸν καλεῖται, φύλλον ἔχει ὡς πλῆσιον τῷ ἔρεικῃς,

μικρότερον δὲ καὶ λιπαρώτερον καὶ ἐρυθρόν. Ἰάμ-  
 νος δ' ἐστὶ σπιθαμῶν, ὕψους, δριμύς  
 καὶ εὐώδης. id est; *Coris*, quam aliqui  
 etiam *Hypericum* appellant, frutex est  
 folio *ericæ*, sed minore, pinguiore & ru-  
 bente, dodrantalis, ori gratus, acris &  
 odoratus. Cæterum folio hic descri-  
 bitur rubente, quod ex *Plinio* l. xxvi.  
 c. 8. illustrat *Saracenus*, ubi non, ut in  
 vulg. Codicibus, legend. minus ru-  
 bentibus. Præterea hæc gustu & odore  
 commendatur, cum tamen nullus u-  
 triusque ab *Aristo* *Fumanæ* nostræ  
 tribuatur. *Plinius* l. xxvi. c. 8. foliis  
*Tamaricis*, quæ cum *Myrica* eadem,  
 similem scribit deceptus similitudine  
 vocum ἐρείχνης καὶ μυρίχνης. Quandoqui-  
 dem *Dioscorides* utriusque convenien-  
 tiam deprædicet, lib. i. cap. 117. se-  
 cundum *Saracenum*, C. 100. edit.  
*Ruell.* C. 102. *Bagolin.* Εἰς ἑκὴν δένδρον ἐστὶ  
 Ἰάμνωδες, ὁμοίον μυρίχην, μικρότερον δὲ  
 πολλῶν. id est, *Erica arbor* est fruticosa,  
*Myricæ* similis, at longè minor. Apud  
*C. Bauhin.* Pinac. l. vii. sect. 5 p. 279.

cōris etiam extat folio Tamaricis. Ipse noster *Ariosius* myricas etiam in Monzibio nasci tradit, sed perraras.

Fumanam non quidem Corin, sed Corydalem esse, *Schipani* fuisse sententiam *Jo. Rhodio* Neapoli quondam significavit *M. Aurelius Severinus*, vel formam ejus ad Genistellas accedere, quod me iudice minus obtineri posset, quippe cum manifestè videatur siliquarum in descripta Fumana defectus. Persuasi sunt alii, esse hanc nostram Pseudo-Panax Chironium. Num Panaces Chironium, quod *Matthiolus* apud *Dodonæum* Halianthemum vocat? de quo *Dioscorides* l. III. c. 57. *Saracen.* c. 183. *Bagol.* Παράχες, inquit, Χειρώνιον Φύεῖ μάλιστ' ἐν τῷ Πηλείῳ ὄρει. Φύλλα δὲ ἔχει ἀμαράκω ἐμφερῆ, αἰθὴ λευκοειδῆ, ῥίζαν λεπτήν, καὶ ἔβαθύναν γυθομένῳ δὲ δριμύτιαν. id est, *Panaces Chironium in Pelio monte maxime provenit: foliis est amaraco similibus, floribus aureis, radice tenui neque alta, gustu acri.* Convenientiam forsan quan-

dam cum nostra Fumana locus natalis  
 suaderet, cum utraque montes amet.  
 Sed gustus hujus acris, nullus Fuma-  
 nae, quamvis radix tenuis & alta haud  
 multum à figura radiceis data discrepa-  
 ret. Hæc Panacis radix purgat sordi-  
 da ulcera *Scribon. Largo Comp. 237.*  
 Quo fortasse respectu, cum cistus au-  
 ctore *Dioscoride* l. 1. c. 126. παλαιὰ  
 ἔλκη ἰᾶται, *vetustis ulceribus medetur,*  
 ejusque flores νομάς ἐφίστησι, *nomas co-*  
*hibent,* quondam *D. Renatus Moræus,*  
 cum Botanicis Gallis nonnullis aliis,  
 Cistum voluit esse lini folio: quod Fu-  
 mana planta sit lignosa, flores habeat  
 plane cisti, folia pænè lini, & cum ci-  
 sto per omnia belle conveniat. Et sa-  
 nè convenit quodammodo cum ci-  
 sti descriptione apud *Dioscoridem* l. 1.  
 c. 126. Κίστος, ὃν ἔπει κιάσaron ἢ κιάσaron χα-  
 λᾶσι, γάμνος ἐστὶν ἐν πείρωδεσι τέποις φυό-  
 μεν, πολυκλαδός, φυλλάδης [ξύλαδης  
 aliis] ἔχ ὑψηλός, φύλλα ἔχον περιφερῆ,  
 μέλανα, δασέα: id est, *Cistus, quem non-*  
*nulli cistharon aut cissaron vocant, fru-*  
*tex*

*tex est petrosus locis nascens, multos emittens ramulos, foliosus, improcerus, foliis rotundis, nigris, hirsutis. Cæterum folia toto diversa sunt cœlo, ad quorum forsan differentiam Cistum lini folio dixit, sed quo auctore non video. Si omnino ad cisti speciem traheretur, rectius fortasse diceretur Cistus fol. stœch. citr. de quo Bauhin. Pin. l. 11. f. 2. n. 7. aut Cistus Ledum fol. roris mar. non incanis, de quo Id. ib. n. 13. aut Cistus humilis angustifolius Lobel. qui eidem Erica Chrysanthemum minor. Helianthemum fol. Coridis censuere alii, forte intellexere ii Coridem Dioscoridis, Guilandino vocatam, quo nomine frater C. Bauhini ex Italia attulit. Helianthemum vero Lobel. flor. luteo idem est cum chamæcisto, unde Jul. Fungermannus putavit Fumanam esse Chamæcistum saturejæ foliis, & quadrare ferme cum Chamæcisto iv. Clusii. A quo in quantum hæc folia ericæ foliis conveniunt, nihil dissentire videtur Joh. Volkamerus,*

*rus*, qui manifestè statuit esse Chamæcistum ericæ folio luteum *Baubin.* quem longioribus foliis describit in Pinac. lib. XII. sect. 2. p. 466. Illum quippe, quod & confitetur *Baubin.* nunc majorem nunc minorem, editis non solum Gallix & Italiæ, sed & Germaniæ montium rupibus adnascentem se vidisse literis Norinbergâ ad *Io. Rhodium* datis testatus est, non absimili à Fumana effigie, ligneo, ruffo, ramosoque caule, qui foliolis thymalum æmulantibus sine ordine illum circumambientibus trigonum tandem emittit caput, cuticulâ pallidè virescente, viridibusque intertextâ venulis obductum; Quod, dum se explicuerit, foliola quinque suaviter lutea pandit, floris ornamenta, quibus fatiscentibus vasculum trigonale succedit, quod seminibus ad maturitatem perductis viam pro exitu sternit, dum sponte ruptum in tres se vertat partes, seminaque tandem in humum excutiat. Cæterum si Fumana nostra

He-

Helianthemum esset, florem etiam ejusdem, nempe facile deciduum, haberet. Id enim Flori Solis proprium, quem apud *Dodonæum* Pempt. II. l. I. c. 31. *Val. Cordus* Helianthemum vocat. Serpit etiam humi Helianthemum, unde chamæcisti nomen; in altum assurgit dubia nostra planta. Quamvis non ita diversus utriusque natalis locus *Plinio* teste l. XXIV. c. 17. Helianthe nascitur in Temiscyra regione & Ciliciæ montibus provenit maritimis, folio Myrti.

His omnibus expensis, cum adhuc aqua mihi hæreret, rem omnem detuli ad Dn. *D. Arnold. Syen*, Lugdunensium præsentis tempore Rectorem Magnificum, ingens Floræ columen & rarum decus, mihi non uno nomine propter prolixam suam humanitatem notum. Forte, quæ in reculis *Rhodii* latebat, Fumanæ plantam exsiccatam, nec tanto temporis tractu injuriæ quicquam passam, judicio ipsius obtuli cum annexa descriptione



ptione ut rem æqua lance pensitaret, quò dubiis nostris lucem à tanto Viro mutuarer. Nec spem meam fefellit oraculum incluti Viri. Solidam ejus & exquisitam de nostra Fumana sententiam publico non invidebo, ut eam mihi hic Lugduni Batav. anni currentis die 24 Julii scripto tradidit ipse:

„ Ut paucis meam de Fumana ve-  
 „ stra, Doctissime *Bartholine*, post  
 „ tot insignium Botanicorum opi-  
 „ niones, proferam sententiam: quan-  
 „ tum quidem ex siccata planta, &  
 „ per negotia colligere datum, val-  
 „ de mihi arridet illorum opinio,  
 „ qui eam ad Cisti speciem referen-  
 „ dam censent; quin & revera ejus  
 „ esse sobolem, & ad nullam aliam  
 „ plantarum familiam pertinere, me-  
 „ cum ut opinor fatebuntur omnes,  
 „ qui ejus partes, & præsertim semen  
 „ diligentius examinaverint. Cum  
 „ enim unicum ejus granulum in ca-  
 „ psula plantæ siccatae reperissem, &  
 „ variis

variis modis, etiam microscopii o-  
 pe observassem; inveni quod in  
 omnibus, cum reliquis cisti specie-  
 bus probè conveniat, eorumque  
 notam essentialem & genericam  
 possideat: Cumque omnes omni-  
 no plantæ non à reliquis acciden-  
 tibus, sed duntaxat à florè & semi-  
 ne, sint denominandæ & distin-  
 guendæ, [uti pluribus Clarissimus  
*D. Morissonus* in præludiis Botani-  
 cis & alibi demonstravit] hinc ap-  
 primè liquet nihil aliud esse quam  
 verum & genuinum cistum. Qua-  
 lis autem sit Cisti species, & an jam  
 ante à Botanicis sit tradita nec ne,  
 in eo major videtur hæere difficul-  
 tas. Mihi certè ut verum fatear,  
*Caspari Bauhini* Pinacem pervol-  
 venti, mox arridebat ipsius Cha-  
 mæcistus Ericæ folio luteus, sive  
 XII. & ultimus. Cori simillimus  
 frutex in maritimis *Cæsalpini*, &  
 Erica Crysanthemus *Lugdunen-*  
*sium*. Verum authores hos post-  
 „ quam

„ quam diligentius consuluissem, &  
 „ utriusque descriptionem examinaf-  
 „ sem, hærebam anxius; & senten-  
 „ tiam pronuntiare non eram ausus.  
 „ Obstabat nempe inter cætera,  
 „ quod *Cæsalpinus* acerbum, *Lugdu-*  
 „ *nenses* adstringentem, *Ariostus* au-  
 „ tem insipidum ipsi præberet sapo-  
 „ rem; & quod priorum neuter satis  
 „ accuratè hujus plantæ attributa ex-  
 „ poneret. Contuli igitur me ad Bo-  
 „ tanicorum Coryphæum *Iohannem*  
 „ *Bauhinum*, eruditam ejus histo-  
 „ riam [uti passim soleo in dubiis]  
 „ consulturus: Nec meam fefellit ex-  
 „ spectationem, cum nullus dubi-  
 „ tem, quin vestra Fumana, sit ipsius  
 „ *Helianthemum tenuifolium glabrum*  
 „ *luteo flore*, cujus figuram & histo-  
 „ riam exhibet Tomi secundi histo-  
 „ riæ universalis pag. 28. Convenit  
 „ enim cum figura, tum descriptio,  
 „ quoad folia, flores, vascula, &  
 „ semen: præsertimque quoad istas  
 „ scutellas triquetras, semine matu-  
 ro &

ro & elapso conspicuas, ut & sapor-  
 rem, quem nullum manifestum ob-  
 tinere cum *Ariosto* affirmat. Uni-  
 cum tantum obitare videtur, quod  
*Bauhinus* nempe folia dicat non ex  
 opposito nasci, sed alternatim ra-  
 mos ambire & conscendere, cujus  
 contrarium videtur ex parte osten-  
 dere ramuli siccati quædam pars:  
 Verum cum ex ipsa *Bauhini* figura  
 liqueat, ipsum inconsiderantius  
 hæc observasse, & quod passim i-  
 dem non conspiciatur, haud ita  
 magni videtur facienda hæc diffi-  
 cultas. Eandem autem statuit di-  
 ctus autor cum Chamæcisto Ericæ  
 folio luteo fratris *Casp. Bauhini* jam  
 memorato, cum ego potius credi-  
 derim aut diversas esse plantas, aut  
 pro solis & soli mutatione non pa-  
 rum mutatas.

Haëtenus Vir in his sacris versatissimus mihi mentem suam circa hanc nostram dubiam Fumanam candidè communicavit. Quæ singula tam con-

H

cinnè

cinnè dicta aptè & perbellè conveniunt ejus & descriptioni & delineationi, ut ovum ovo non videatur similis. Nos qui nobis propriam quandam legem diximus, in omni scientia amplecti quæ probabiliora, hoc fucinctum non sine ratione exosculamur judicium & eodem faciles acquiescimus. Non ita tamen ut aliis intercludamus viam ulterius hanc Spartam adornandi, maturiori judicio corrigendo ea, de quibus vel liberius judicavero vel rei veritati parum æquus visus fuero. Interim

*Moniti meliora sequemur.*

EXER-

## EXERCITATIO VII.

D E

LIQUORIS STYPTICI  
INTERNO USU,*Cum experimentis Fr. Redi circa  
usum externum.*

**H**afniæ iterata experientia coram  
Augustissimo Rege & Domino  
nostro Clementissimo in Aula Regia,  
& coram Illustrissimo Regis Christia-  
nissimi Legato Equite *Terlon* in præ-  
sentia Medicorum & Chirurgorum  
Hafniensium in canibus, quibus fe-  
mur amputatum fuerat liquoris sty-  
ptici veritas virtusque nobis innotuit,  
qui ex Gallia pro secreto infallibili al-  
latus fuit; dictum enim factum ap-  
plicatô liquore stypticô profluenti ex  
vulnere sanguini pars læsa cuticulam  
contraxit semihoræ momento, & à  
cruentatione destitit, sicut hæc in  
*Actis Hafniensibus* fusius à *Parente*  
describuntur. Externus autem usus  
tantum probatus fuit, quanquam si-

H 2

dem

dem faciat *Boudetus* in programmate suo Gallico quod etiam innoxie bibi possit: *Ceux, inquit, qui la sçavent à fonds & d'original, la boivent comme de l'eau commune, en font l'essay sur leurs personnes; ce que les Copistes ou Contrefaiseurs de cette eau n'oseroient jamais entreprendre.* H. e. Illi qui ex fundamento & origine norunt, bibunt instar aquæ communis, & in proprio subjecto faciunt ejus rei periculum, id quod nunquam ausint tentare illi qui ejus compositionem imitantur. Nos, quia nullo evidenti experimento usus internus adhuc demonstratus fuit, dubitandi causas promemus, donec experientia rem determinaverit, inprimis cum liquoris materiam sibi occultam, nec nisi magno à Regibus Terrarumque Dominis soluto pretio, cognitum servet possessor. Non voco ipsius assertionem in dubium, qui in priori externoque usu promissis stetit. Et novissimè ulteriori firmatum experientia,

cum

cum nuper in *Actis Hafniensibus* testetur *Parens* se adfuisse sectioni mamme cancröse mulieris cujusdam, quæ integram libram pependit, & solâ hac aquâ hæmorrhagia inhibita. Cæterum in usu interno, an tutò adhiberi possit majoris est indaginis. Vomitus quidem sanguinis eo liquore forsân compesci posset. Me enim judice facile liquor ille stypticus per œsophagi patentem canalem deglutitus astringit vasa dilatata in ventriculo, quando opus est adstrictione, quæ semper tuta non est, cum motum naturæ impedire interdum non liceat. Si tamen modum excedat magno virium periculo, ex 7. *Aph.* 37. curatio sanguinis vomitus perficitur refrigerandi & adstringendi vim habentibus. In hac aqua gustu stypticam frigidamque facultatem deprehendimus, vitriolo tam similem quam ovum ovo, ex quo crudo compositam, vero valde fit simile, cujus in sistendo sanguine efficaciam in pulvere sympathetico



experti sumus. Cæterum an in sputo  
 sanguinis, ex pulmonum vasis dilata-  
 tis vel erosio orto; promptum tutum-  
 que sit stypticum, ignoro, quia tardius  
 per ambages viarum illuc perveniet,  
 & in transitu aliis visceribus noceret;  
 sin guttatim per rimulam laryngis &  
 asperam arteriam dilabatur, parum  
 proderit. Et quanquam integra co-  
 piofaque descendere posset, plus ni-  
 mium adstringeret vasa pneumonica  
 raramque pulmonum substantiam,  
 quæ adstrictionem multam non fert;  
 vel per venam arteriosam penetrans  
 ad cor, obstrueret vitale viscus; motu  
 necessario impedito. Nos cauti sumus,  
 territi exemplo ab *Hechstettero* De-  
 cad. 3. Observ. Medic. c. 5. allato fi-  
 liorum quorundam mercatoris, qui  
 per noctem radicem symphyti mayo-  
 ris infuderant in vino Malvatico; ac  
 mane radice exempta rustico obtule-  
 runt, qui sumto poculo hausit id affa-  
 tim, & cum paulo post sibi præcludi  
 fauces sentiret, ac maxima difficultate  
 deglu-

deglutiret, heriles filios de veneno exhibito accusavit. Nimirum hanc vim symphyti adstrictoriam vidit olim *Dioscorides*, qui lib. iv. cap. 9. & 10. author est exhiberi sanguinem rejicientibus, atque decoctum bibi ad dysenteriam rubentemque fluxum muliebrem. Addit ibidem vis constringentis argumentum memorabile, affirmans radicem utriusque symphyti impositam, non recentia solum carnum vulnera glutinare, verum etiam frustra carnum quibuscum coquitur ita cogere, ut coalescant. Quod quamvis alii hodieque difficile credant, ipse tamen hujus experimenti oculatus sum testis, apud Consobrinum dilectissimum *Oligerum Jacobæum*, qui hæc naturæ sacra haud infeliciter rimatur. Incoctam enim aquæ rasam symphyti majoris radicem agglutinatam vidi lateribus carnis, quæ in unum coagmentata. Si in aqua hac styptica non fallit gustus, vitriolumque crudum basin esse dicamus,

periculum videtur, ne vomitum concitando hæmoptoicos offendat augeatque sanguinis fluxum. Prudens est monitum *Jo. Hartmanni* Not. ad *Crollii Basilicam Chymicam* p. m. 24. in exhibitione Vitriolorum, cavendum ab asthmate, aliisque pectoris affectibus. Vitriolum quippe crudum venenum esse, quia asthma procreat, & suffocando necat. In errhino vix pennam tinctam vitriolo aqua soluto, naribus indere audemus, quod experimentum *Cl. Wedelius* candide aperuit in *Ephemerid. German.* Anni Tertii p. 19. utinam alii pari candore arcana sua revelarent, spretoque lucro, sine invidia publico bono communicarent, quæ novisse communis salutis interest. Sic rectius de his judicarem, quæ in tenebris palpamus. Eleganter *Quintilianus* l. v. Institut. Orat. c. 10: Quod non ratione scrutabimur, non poterimus invenire nisi casu. Si vis emetica & noxia crudo vitriolo aqua dissoluto adimi queat, jam

jam de interno usu erimus securiores. Sed dubia omnia dirimet experientia. Bonus enim magister experientia. Opus verò est, consilio *Cælii Aureliani* l. 1. Acut. Morb. c. 2. & ipsum periculum facere. Imperitia namque timoris & cautionis causa. Exhibuit Hafniæ hæmoptoicæ scæminæ hanc aquam *Philippus Hacquart* Chirurgus Regius, quæ primo quidem fassa est, levamen se inde percepisse, deinde verò nihil profuisse, sed alia auxilia quæsisisse. Audivi cum Hamburgi essem probatam fuisse aquam stypticam in Nobilissimo quodam Heroë, cui sub brachio sinistro arteria gladio transfixa & ingentem copiam sanguinis eructans sedata est hujus liquoris non solo usu externo, verum etiam, ut mihi relatum est, simul cochlear unicum ipsi à Medico propinatum est, de cujus veritate mihi liquidò nondum constat. Diffidere tamen nonnihil huic liquori styptico possemus, quia fertur inter in-

gredientia venenum quoque quoddam numerari. Sanè deprehendi liquorem hunc sanguini injectum eundem coagulare; non secus ac spiritum Vitrioli vel acetum, quibus immixtis congelatur sanguis, quemadmodum alumine foedissimus redditur & spiritu salis armoniaci naturali colore exsurgit, quia sale volatili aspersus non facile corrumpitur. Quas etiam vices bilem subire experimento constat, cum tamen illa è contrario in massam foetidam coaguletur cum oleo Tartari & in Spiritu acido intense viridescat. Notat quoque *Th. Willis* Pharmaceut. Ration. sect. 1v. c. 1. eosdem liquores quæ lac præcipitant, ut acetum destillatum, Spir. Vitrioli, salis, aut nitri dilutum, aliosque acidos etiam sanguini calenti affusos istum mox coagulare & discolorare ita, ut cum tota massa sanguinea statim nigrescat, portio una in placentam grumofam, atque altera in serum tenue & aquosum abeat. Non desunt tamen, qui  
liquor-

liquorem hunc, cujus tanquam secreti  
 cujusdam confectio paucis hætenus  
 innotuit, imitentur, nec infelicitè.  
 Nuperrimè Hafniæ *Jo. Gothofredus  
 Becher*, Pharmacopœus ibi curiosus,  
 aquam similem stypticam confecit ex  
 vitriolo martis & alumine, non dispa-  
 rili effectû, super quam rem pluribus  
*Acta Hafniensia* consuli possunt. In  
 Silesia *D. Henricum Martinium* ja-  
 ctare se simillimum invenisse liquo-  
 rem, & *D. Sachsum* Hamburgum ex  
 Anglia reducem affirmare, se hoc,  
 quod circumfertur, secretum nosse,  
 mihi Lugdunum nuper scripsit Eru-  
 ditissimus *D. Michaël Kirstenius*,  
 amicus summus. Qui pro innata sua  
 humanitate mihi insuper communi-  
 cavit de Aquâ nostrâ stypticâ experi-  
 mentorû quorundam momenta sum-  
 ma, quæ à *Franc. Redi* in Italia coram  
 Serenissimo Magno Etruriæ Duce fa-  
 cta. Quanquam ibi, nescio quo fato,  
 minus successisse aquam hanc stypti-  
 cam videmus, sed aquam etiam puram  
 fon-

fontanam paria fecisse. Illa itaque ut à Cl. D. *Fogelio*, cui Florentiâ missa erant, accepta & Latine reddita ad me Hamburgo perscripsit die 7. Augusti. Anni currentis laudatus *Kirstenius*, non gravabor hic transcribere, & per compendium Lectoribus curiosis eorum summam proponere: . . .

Exhibitum est vasculum, plenum aqua clara limpida, quæ sistit omnem sanguinem ex quocunque loco profluentem, modo tam subito & certo ut nulla opus sit fascia: sufficiat tantum madefacere, aut imponere gossypium aut pulvillum ex panno lineo, aqua madefactum. . . .

Et relatum est etiam ita canem sanatum, cui vena jugularis cum arteria fuit præcisa, & duos vitulos, quorum uni crus abscissum, atque mulierem, cui mamina resecta, denique viros duos, quibus crura amputata. . . .

*Franciscus Redi*, jussu M. Ducis experimenta fecit, quæ tamen expectationi non respondebant. . . .

Anno

Anno 1673. d. 10. m. Julii

&amp; seqq.

Ovi detecta est vena, cum arteria, jugularis, sine læsione musculorum aut nervorum. Deinde arteria cum vena plane dissecta per transversum, & statim applicitum gossypium, madefactum liquore, & superimpositus pulvillus eodem humidus. Sed sanguis erupit tanto impetu, ut, licet gossypium & pulvillus manibus firmiter tenerentur & apprimerentur loco fauciato, nullo modo sisti potuerit, ovisque sit mortua intra quadrantem horæ.

Idem evenit cani, cui præcisa erat arteria jugularis, sine læsione venæ.

D. xi. Julii. Rursus arteria jugularis detecta & separata est in ove, eaque phlebotomo secta per longum, eo modo quo aperiuntur à quibusdam venæ. Non permissum est exire sanguini, quoniam arteria digitis compressa tenebatur. Statimque applicitum gossypium, & pulvillus liquore madidus,  
per



per quadrantem horæ. Nihil exiit sanguinis. Hinc ligatum est vulnus fasciis, ovisque dimissa. Verum post alterum horæ quadrantem, cum violento cursu ovis fatigata esset, & in sepem incidisset, fascia à collo decidit, & sanguinis copia profluxit, ut mortua sit.

D. eod. Iterum ovi jugularis arteria, & alii vena eo modo aperta est obligataque ut ante. Nihil sanguinis exiit. Dimissæ oves ad pascendum ita durarunt spatio hor. 41. Post id tempus vulnus arteriæ incisæ detectum est, & subito erumpente sanguine animal mortuum est. Idem alteri, cui vena secta, evenit. Conspectumque est, venam nullo modo consolidatam.

D. xv. Julii. Tres oves captæ, quibus arteriæ jugulares detectæ. Unius arteria dissecta per transversum, digitis comprehensa, ut nihil sanguinis emanaret. Aqua vulnus rigatum & digitis constrictum, per 10. minuta temporis. Retractis digitis statim sanguis

guis exiit. Reditum est ad madefactionem & compressionem eam per 10. minuta alia, retractisque digitis similiter secuta hæmorrhagia. Ergo rursus irrigato vulnere & superimposito pulvillo, manu compressum est spatio 20. minutorum. Quo tempore cum exiissent sanguinis uncix quinque vel sex, tandem ille constitit. Obligatâque plagâ, ovis dimissâ statim cœpit comedere. Eodem plane modo tractata est altera, eventu quoque eodem, nisi quod loco aquæ stypticæ accepta sit aqua fontana pura, & octo vel decem uncix sanguinis exierint antequam sisteretur. Tertiæ ovi arteria dissecta est non per transversum, sed per longum, imposito pulvillo madente aquâ stypticâ, & detento firmiter per min. 20. Nihil ferè sanguinis exiit. Obligatâ plagâ in pratum missa est, in quod etiam priores duæ. Omnes hæ tres rectè se habuerunt d. 15. Julii, quo in iis periculum factum, ut & seq. 16. Sed circa hujus vesperam primæ

mæ caput intumescere cœpit, crevitque tumor usque ad d. 19. mane, quando mortua est. Alteri caput similiter tumere cœpit d. 17. & d. 20. mane, illa quoque mortua est. Tertia ovis se semper bene habuit octo diebus, & tum fascia dempta est. Arteria consolidata inveniebatur, multâ carne generatâ. Vulneri impositus pulvillus ex linteo sicco & rursus fasciâ constrictum. Post d. 10. deprehendebatur vulnus planè consolidatum cicatrice inductâ.

D. xvii. Julii. Secta est in ove arteria cruralis, & eadem aqua styptica adhita: sed post triduum mortua est reperta.

Eodem die in alia ove arteria jugularis per longum est aperta, & aqua styptica adhibita sine ulla sanguinis effusione. Plaga fasciis constricta per continuos d. 8. detenta est, ut ne tangeretur quidem. Quibus elapsis inspectum vulnus est, optimeque habere se deprehensum, ut in aliis d. 10. sit prorsus consolidatum. D.

D. XVIII. Julii. Secta est arteria cruralis in ove & eodem modo ipsi medicina facta. Reperta est mortua post triduum.

Eodem d. in alia ove aperta est secundum longitudinem arteria jugularis & aqua adhibita eodem modo, ut nihil sanguinis effunderetur. Vulnus obligatum servatum est per octiduum, ut ne attingeretur quidem. Elapso eo bene se habuit, & intra x. dies prorsus convaluit.

D. XIX. Julii. Arteria jugularis per longum aperta in duobus hœdis. Adhibita est pro medicina aqua fontana, & nihil ferè sanguinis exiit. Unus mortuus est intra quinque dies. Alter perfectè curabatur d. xv. absque fasciis, quibus vulnus obligaretur.

D. XX. Julii. In ove arteria jugularis secundum longitudinem incisa & vulnere satis longo: in alia eadem aperta angusto foramine. Priori adhibebatur pulvillus madens albumine ovi, & nihil sanguinis emisit; alteri pulvillus

madens aquâ fontanâ. Utraque penitus convaluit sine fasciarum solutione aut mundificatione vulneris.

D. XXI IX. Julii. Arteria jugularis in duobus agnis secundum longitudinem secta. Statim pulvillus superimpositus ex gossypio imbutus aquâ fontanâ, & appressus manibus per 20. min. hor. Nihil ferè exiit sanguinis. Intra d. 18. deprehensum est vulnera perfectè consolidata sine ulla alia providentia. Non verò hi agni tantum, sed omnes oves prædictæ, sub dio relictæ sunt dies noctesque sine ulla custodia.

D. VII II. Aug. Truncata ala dextra in duobus caponibus, in medio ossis superioris, obligatumque vulnus gossypio imbuto aquâ puteali, & evaserunt.

Similiter evaserunt 18. pulli gallinacei, in quibus omnibus truncata alarum una. Quorum sex medicina facta, applicito gossypio madente aquâ communi: sex aliis appositum gossypium siccum: sex reliquis nihil adhibuitum, naturæ providentiæ relictis.

EXER-

## EXERCITATIO VIII.

AN COR PRÆTER MOTUM  
ALIUD AD SANGUIFICATIO-  
NEM CONFERAT?

**D**Ubitatum semper fuit an in musculorum numerum Cor adoptari possit. Negavit *Galennus* Administr. Anatom. l. vii. §. 9. musculus esse, quia omnis generis fibras habet, & musculus est instrumentum motus voluntarii, qui cordi non competit. Post eum alii admittunt musculum referre, quando diutius elixatum est, tumque non unum esse ob diversos in se motus contractos. Propius accedentes alii concedunt musculum esse sed singularem in sua specie, quemadmodum Diaphragma, quod perpetuò movetur. *Hippocratis* autoritate si standum, Cor verè est musculus. Desinit enim hunc carnem in orbem circumactam. Cujus Senis Divini oraculum, firmatum experientia ulterio-ri, quis ausit in dubium vocare?

— *Solem quis dicere falsum  
Arguat?* —

Non enim omnino in omnibus auctoritates Veterum rejiciendæ sunt, si rationem ipsam & cottidianam experientiam non habeant contrariam. Ut verus sit Ille qui indigitat, quod multo plura reperiantur apud Veteres, quæ nobis probanda sunt, quàm quæ repudianda. Cor validum musculus vocavit *Hippocrates* non ratione nervorum, sed carnis spissamento, *Jo. Waleus* in Anat. Reform. *Parentis*, eò inclinatur, non ut musculus appelletur, sed quod constringatur in motu sicut musculus per fibras carni intertextas, in primis ventriculis ad instar musculi temporalis in masticatione. E musculorum censu non ita prorsus exterminat *Thomas Willis*, quin analogiam quandam cum musculis habere fateatur. Cæterum ipsius rei demonstratione, oculisque patente veritate, controversia dirimi potest. Quippe ut rectè *J. Cas. Scaliger*

Exer-

Exercit. 104. §. 6, ex libris colligere quæ prodiderunt authores longe esse periculosissimum: rerum ipsarum cognitio vera è rebus ipsis est. Veram enim totius cordis structuram & stupendam fibrarum musculosarum fabricam *D. Nicolaus Stenonius*, quo cive Dania gloriatur, tam dilucidè explanavit, ut omnibus nobis exempta omnis jam sit dubitatio, nec musculum verum esse negari possit. Non desunt momenta gravissima quibus sententiam suam firmat laudatus *Stenonius*. Nam eadem Cor habet quæ alii muscoli, nempe arterias, venas, nervos, fibras, membranas, nec ullum aliud parenchyma. Deinde illæ ipsæ fibræ cordis hoc cum omnibus musculorum fibris commune habent, quod mediæ, seu venter muscoli, carnosæ, extremis utrinque tendinosæ in ostia partim, partim in monticulos abeant, ubi & valvulas componunt, & in valvorum substantiam abeunt. Sic etiam de valvula carnosa, quam solam in



dextro cordis ventriculo solæ aves, aliis ibi destitutæ valvulis, habent, eadem ratio; quam forsan valvulam *Cæsalpinus* pro tertio avium ventriculo sumsit, cum tamen non sit nisi lamina carnea, quæ in sanguinis cursu valvularum vicem præbet. In corde etiam circa basin, fibrarum principium ac finis est secus ac *Lindano* visum. Præterea, ut in alio musculo, villorum uniformis ductus: omnes enim circa mediam ferè carnem arcus instar inflexi nullos conficiunt angulos, nisi cum tendine utrinque, & eorundem villorum in sinistro ventriculo occurrentium una atque eadem intorsionis ratio, quod ingeniose explicat *Stenonius* conum cordis elixi in stellarem figuram exponens. Enucleatis itaque Ariadneis his filis & labyrinthis fibrosis circulis, eò totius fabrica miraculosa recedit, ut fibræ, cochleæ instar, à dextris sinistrorsum ad conum descendant, & reflectantur à sinistris iterum sursum ad dextrum.

Et

Et ex hac fabrica cordis nova *Lindanus* inter alia colligit, quia cochleatim fit adductio, obiri cum minori negotio: docere enim mechanicos, singulare esse in cochlea, ut minor vis ad ejus motionem proportionem requiratur, quam in ulla alia machina. De qua ad nostrum institutum haud ita spectante consulendus subtilissimus *Cartesius*, in Dissertatione non ita pridem à Clarissimo Medico *Jo. Dan. Majore* latinitate donata. Nempe tales fibras diversus quoque cordis motus in systole & diastole requirebat, ut diversi contrariiue motus perficerentur. Solutio gordio nodo in corde sola motus diversitas aliquid monstrare videtur quod nos terreat. Quippe *Galenus* & post eum alii contendunt musculum esse instrumentum motus voluntarii. Ideoque musculos ceteros ex arbitrio nostro moveri, ac Cor perpetuo sanguinis influxu in continuo motu esse, nobis etiam invitis & non cogitantibus. At solutio

horum facilis dummodo rectæ rationis ductum sequi velimus. Dico enim muscoli motum non semper ad voluntatis nostræ normam conformatum. Addo, quod omnis quidem motus voluntarius per musculum perficiatur, sed non omnis ideo musculus habet motum omnem voluntarium. Ita nec cordis motus ex arbitrio nostro dependet, nec motus peristalticus intestinorum. Sed & in reliquis musculis nostro arbitrio movendis saltem primus eorum motus non est arbitrii nostri, quandoquidem diu tentando vix tandem visum ab alio motum, nobis insolitum, imitari possumus. Itaque nec omnis motus musculorum est à voluntate nostra, nec quotiescunque volumus quemlibet musculum licet sanum & motui aptum movemus; hoc patet in discendis linguis & exercitiis corporis: illud in motibus convulsivis & motu palpebræ invitis nobis sese claudentis, quando etiam  
sci-

scimus intentari ictum simulatò. Certum est itaque quòd varios motus exsequantur muscoli, qui voluntatis imperio non moderantur, stimulatì nempe & irritati aliis rebus advenientibus tam internè quàm externè. Pari ratione Cordis musculus inter assiduum fluxum & refluxum sanguinis in continuo motu est. Unde hac in parte vulgatæ definitioni musculorum præferenda illa *Galenì* in *defin. Medic.* quòd muscoli sint nervosa corpora permistà iis etiam carne, ad partium corporis motum procreati. Ubi fit mentio tantum motus, sine determinatione aut restrictione, seu motus voluntarii seu involuntarii, quod optimè explicat *G. Segerus* *Diff. de Libro Hippocratis de Corde c. 6. §. 9.* Et aliquid vidit *Harvejus* *Exercit. 1. de Mot. Cordis*, qui Hippocratem defendit, cùm eadem utriusque actio sit & idem officium, videlicet seipsum contrahere, aliud movere, nempe contentum sanguinem. At miror

nuperrimè recentiores nonnullos negare omninò cor esse musculum, quia sic in motu defatigaretur. At cum iidem ipsi confiteantur diaphragma esse musculum, non credo ipsos demonstraturos, omnem musculum in motu fatigari. Cæterum an præter hunc motum Cor aliquid aliud tribuat sanguificationi, an princeps sit sanguificationis organum, consideratione ulteriori dignum judico. Mihi saltem probabile videtur, sanguificationem non in corde solo perfici, ne quidem ut in vase, multò minus ut in parte solâ sanguificante. Quippe accuratius si singula expendantur, patebit non absurdam fore sententiam, totum Receptaculum sanguineum tantum pro vase esse, ut sanguis quasi sanguinem producat, & sanguificationis causa sit intestinus humorum motus. Ad horum meliorem cognitionem, ut quid de sanguine sentiendum sit constet, singula luculentius exponere statui.

Si per sanguinem intelligi velis quic-

quicquid intra totum continetur receptaculum sanguineum, manifestum evadet, omnia & motus & sensus organa ita sanguini inservire, ut propter illum solum facta videri possint. Cum enim conservatio sanguinis aliâ lege non constet, quàm per continuam sui consumptionem & consumpti restitutionem, fingi probabiliter posset, sensus datos ad electionem materiæ restitutionis & noxiorum aversionem, motus verò organa, ut vel admoveantur objecta conservationi huic necessaria, vel amoveantur, prout magis vel minus huic œconomix inservire possunt; vel denique ipsum etiam receptaculum sanguineum versus objecta eadem vel moveatur, vel removeatur. Quâ ratione, etsi anima rationalis non esset, videretur tamen ille totus organorum apparatus, tam motus quàm sensus, soli sanguinis conservationi necessarius. Propter quam animas Brutorum factas si alicui arrideat, ecce argumenta, quibus per omnia sensitiva

fitiva & motiva organa excurrere licet, ut ad sanguinis, à quo dependent, conservationem solam facta probentur. Si exempla placent, quippe cùm eleganter Romanæ Stoæ Princeps Epist. vi. Longum iter est per præcepta breve & efficax per exempla. Incremento huic & decremento sanguineo inserviunt oculi ad colorem videndum & situm objectorum, ubi & quænam sanguinis incremento & decremento necessaria essent, & simul ad prævidenda quæ his nocere quæque prodesse possent. Aures, ad audiendum motum objectorum vel vitandorum vel quærendorum. Nares, ut cùm cibis ore masticaretur, per illas traherentur spiritus, & simul objectorum particulæ è remoto perciperentur, quemadmodum lingua vicinæ. Vox, ut similia sociarentur individua ad sui meliorem conservationem, tum in individuis tum in specie. His ita positis sanguinis tamen primi Origo incerta dici potest, ut & ipsius receptaculi

san-

sanguinei productio. De sanguinis autem incremento, ut quid rei sit aperiam, Certum est triplicem dari materiam, unam intra testiculum collectam, cum primi sanguinis materia, quocunque demum modo contigerit; Alteram intra oviductum subministratam; utraque à receptaculo sanguineo Matris secernitur antequam intra receptaculum sanguineum foetus recipiatur. Intra oviductum collecta materia excipitur à foetu ista receptaculi sanguinei portione, quæ per chorium dispersa est. Tertia Incrementi sanguinis materia foetu jam excluso ab assumptis secernitur. Quæ incrementa quomodo subministrat fluidum externum dispiciemus uberius, cum indicaverimus per fluidum externum intelligi quicquid admovetur superfici ci corporis tum externæ exterius sitæ, ut cuti, tum externæ interius retractæ, ut canali alimentorum, asperæ arteriæ, &c. de quibus alibi loquimur. Constat ex indissolubili hujus  
 ceco-



œconomix lege, quod cibus, post debitam masticationem & salivæ, quæ ex glandulis oris continuò in ventriculum demergitur, humectationem resolvatur in Canalis alimentorum capaciore illa parte, quam stomachum appellant Anatomicorum filii, per humorem aliquem solventem, quicumque demum ille sit, diversus à diversis habitus, unicuique tamen individuo appropriatus, ut abeat partim in lac, partim in inutiles fœces. Quamquam chylus viam notam venarum lactearum quærat, ante cibi tamen egressum è ventriculo & intestinis, toto illo ductu ab œsophago ad rectum intestinum aliquid ad sanguinem penetrat virium, sed nobiliorum. Ut pro loco unde propriè incipiat cibi distributio, totus ab ore ad anum ductus agnoscendus sit. Quod ipsum etiam nuper vidit *Th. Willis*, Vir inexhausti ingenii, in *Pharmaceut. Rational.* §. 1. c. 2. inductus multitudine vasorum, quæ circa ventriculum & inte-

intestina reperiuntur, quanquam de fermento, quod ab arteriis poni statuit, non hic disputabimus. Hoc tantum nos verisimile ponemus, quamquam ordinaria via per Receptaculum & lacteum Thoracicum cordi infundatur chylus sanguini in axillari- bus mistus, & exinde toti corpori proveniat nutrimentum; aliquid tamen semper ex alimentis subtilioribus sanguini accedere ante cibi in ventriculo & intestinis absolutam fermentationem, vel in oesophago & in ipso ore. Non solum enim experientia testatur vim medicamentorum, externè licet adhibitorum, ad interiora penetrare, & spirituosam quævis ore recepta statim per corpus diffundi, verum etiam à Practicis non denegatur vel clysteribus nutri-entibus sua efficacia, vel Mercurialibus ad movendam salivam. Ut de cibi parte subtiliore dubitare vix queamus. Itaque sive per venas Lactæas & Thoracicum, sive statim ubique per vasa sanguinea

guinea incrementa sanguini subministrantur, cum sanguine mixta in eundem non statim mutantur, sed cum eo confusa in iisdem vasis latent. Ubi tandem longa circulatione & cribratione continua naturam accipere sanguinis haud absonum à ratione videtur. Et sanè in venæ sectione statim post sumptum cibum aliquid in sanguine supernatans chyli observare est. Atque *Loweri* est experimentum, si Canis probè saginati post 4 vel 5 horas vena jugularis aut arteria carotis incidatur, & totus à corpore sanguis effluens in vasculis receptus refrigeretur, mox chyli lactescentis ingens copia à cruore coagulato secedit, & eidem innatans manifesta deprehenditur; Quod secus in jejuno animali succedet experimentum. Per plura me non diffundam dummodo pateat, salvis aliorum sententiis, in corde solo totum sanguificationis apparatus non absolvi, & non minus cor, quàm alias omnes corporis nostri solidas partes, elaboratorii

ratorii nomine immeritò indigitari.  
 Nam de Cordis flammula vel igne si-  
 ve innato siue adventitio nihil dicam,  
 quandoquidem hoc manifestè perci-  
 pimus in cordis thalamis sanguinem  
 fieri vividiores.

K

EXER-

EXERCITATIO IX.  
 AN FUNDUS UTERI, VEN-  
 TRICULI, & RECTE ANA-  
 TOMICIS DICATUR?

**P**Ræfatus veniam ad hunc fundum  
 Anatomes devolvor, haud ne-  
 scius *Galen*i non uno loco esse moni-  
 tum, non admodum de verbis Medi-  
 cum sollicitum esse debere, licentiam-  
 que sibi hanc sumere non Medicos  
 tantum, sed & aliarum artium Docto-  
 res, ut verba vel nova fingant, vel usi-  
 tata ad suum sensum trahant. Hinc tot  
 nomina Latinis auribus ignota apud  
 Botánicos Chymicosque, & non pau-  
 ca apud Profectores leguntur, quorum  
 arbitrium & significatio penes rerum  
 novarum inventores, vel veterum il-  
 lustratores latet. Ita Vasa Lymphatica  
 appellavit *Parens Venerandus* vasa  
 lymphæ dicata, à se *Hafniæ* inventa,  
 quanquam *lymphatici* vocem alio sen-  
 su veteribus usitatam non ignorave-  
 rit, sicut id fusius contra *Riolanum* in  
 De-

Defensionibus præbavit. Similibus vocabulis technicis pleni sunt omnium Libri, nec cuiquam dica eapropter scribitur ab illis, qui rerum magis pondera examinant, quàm verborum quisquilias, quæ valent usu sicut nummi:

Aut famam sequere aut tibi convenientia finge

Scriptor.

Hac libertate loquendi veteres Medici Latini usi, eadem nostri. De supuratione testatur *Q. Marius Corradus* l. iv. de Copia Lat. Sermon. Medicis necessitate excogitatum hoc verbum, quod in Lexico Scriboniano annotat *Rhodius* noster Polyhistor. Ut de reliquis nihil dicam passim obviis. Inter alias Prosectoribus nostris frequenter usurpatas voces, etiam *fundus* est, quem ventriculo, vesicæ, utero assignant, quo nomine à nonnullis, nodum in scirpo quærentibus, vapulant, sed sine ratione. Certum quidem est, quod *fundum* sit ima pars vasis, &

*fundus* propriè ager vel possessio alia, sicut ad ravim usque inculcant Lexicographi. Cæterum notandum *fundum* posteriori terminatione masculinâ ab Anatomicis recentioribus vocari imam ventriculi, uteri, vesicæque partem, ad similitudinem agri seu fundi, qui planus est & patens, recipiendo semini, sive ad speciei sive ad individui conservationem, lotiique excrementitii collectioni aptus. Promiscuè his utuntur Medici nostri. Ita Fundus uteri *Sennerto* Prax. l. iv. Par. i. §. 2. c. 16. p. 93. quem aliàs ibidem p. 91. fundum neutrà significatione dixit. Præterea si *Tacitus* Uterum Navis ob cavitatem dixerit, quid prohibebit ita etiam fundum pro Uteri, vesicæ, &c. imâ parte masculinâ terminatione nuncupari? Non sanè tam religiosi verbi hujus exactores fuere veteres, quin per translationem sumserint fundum, nostrâ terminatione, pro cujusvis negotii fundamento. Ita apud *Plautum* in Trinummo, Pater vocatur fundus rei,

rei, apud *Ciceronem* pro Corn. Balbo, foederati populi dicuntur fundi, apud *Festum* populus fundus, quod extrivialibus Lexicis discere possent Grammatistæ. *Galenus* pro nobis loquitur l. III. de diff. Puls. c. 6: Omnibus enim hominibus à propriis nominibus potestas est transferendi, à translatitiis autem alias ducendi metaphoras, non item. Quare ab humoribus, inquit, transferenti ad tactum nomen acerbum, quod ab humoribus propriè incepit, ignoscendum est. Hinc ægrè neutiquam ferent Manes veterum, si Profectores per translationem *fundum* masculinâ terminatione ad imam viscerum partem applicent. Præsertim cùm foeminina vox *funda* ex eodem principio placuerit, de instrumento militari instar marsupii lapides, glandes, sagittasque continente & effundente per funditores, cujus fundæ valorem describit *Livius* lib. xxxviii. c. 29. & *Vegetius* lib. I. de Re Mil. c. 16. quâ etiam usum Da-



videm in debellando Allophylo, auctoritate Scripturæ Sacræ scribit *Sulpitius Severus* l. 1. Hist. Sacr. Et eandem *fundæ* nomenclaturam pro voragine seu urnâ capit *Saxo* noster Grammaticus Præf. Hist. Danicæ, ob profundam & vastam capacitatem, qua homines inopinanter absorbet, quod ex *Eustathio* l. 1. & *Dionysio Afro* illustrat *Stephanus* eruditus Saxonis Commentator, p. 4. vers. 20. Medicis condonandæ etiam minus propriæ locutiones, modò contra ægros non peccent, cum fateatur *Galenus* Comment. 6. Aphorism. nominibus se abuti nonnunquam. Certè, ut cum eodem loquar l. 1. de diff. Puls. c. 1. hæc nominum constituendorum scientia non est, sed rerum. Idcirco semper præcipit, ut nominibus contemptis ipsam naturæ scientiam exerceas, l. xiv. Meth. Med. c. 9. quod tamen cum grano salis accipiendum monet *Jo. Bapt. Sylvaticus* Contr. 3. Sed quò dilabor? In fundo ero parvus, modò

modò fundo Anatomicorum parcant,  
 qui hic fundum alienum arant. Mihi  
 certe ignosci volo : nam in minimis, si  
 quæ sint

~~in his~~ lapsis succurrere amicis

Conveniens nostris moribus esse  
 puta.

IN-

# INDEX RERUM ET VERBORUM

I N

Exercitationibus occurrentium.

<b>A</b> Cerba mors quid Philologis.	Pag. 24
Acerbum an de tactu dici possit.	149
Amnii liquor unde.	18
Ejus color & sapor.	21
Amphidromia.	83
Anisi odor in radice Primula Veris.	76
Arthriticus puer sex annorum.	12
Basilisci descriptio varia.	28.34
Locus natalis.	28.29.40
Morsus, sibilus, visus, afflatus noxii.	29
An usquam existat.	31
Ejus varia forma depicta.	32.33
Ejus cadaver.	47
Morsui Medicina.	50
Basiliscus ex ovo Galli non excluditur.	41.45
Pro serpente venenato.	47.49
de eo sensus veterum Hieroglyphicus.	46
Bilis à variis injectis liquoribus mutatio.	122
Bonus apud Plutarchum quid significet.	2
Brassica cibus Puerperarum.	80
an salutaris.	81
Ejus	

# I N D E X.

<i>Ejus jusculum laxat, sed solidum corpus ventrem cohibet.</i>	82
<i>An Puerperis conducat quod laxet.</i>	83
<i>Ad ulcera absterforium.</i>	84
<i>Bregma in adultis patulum.</i>	57
<i>Carbonario fumo homines extincti.</i>	36
<i>Castori &amp; Polluci votum à Romanis.</i>	9
<i>Cauteria an expectationi satisfaciant.</i>	57
<i>quid evacuent.</i>	ib.
<i>quando admittenda.</i>	58. 59. 61
<i>Cibi distributionis locus, totus canalis alimentorum ab ore ad anum.</i>	143
<i>Cur Circumcisi infantes octavo die:</i>	55
<i>Cloaca in Avibus loco vesica.</i>	19
<i>Cor, musculus est.</i>	131. 133. 135
<i>Ejus fibrae quo abeant.</i>	133
<i>Earumque fabrica.</i>	134. 135
<i>An prater motum quicquam ad sanguificationem conferat.</i>	138
<i>Cordis musculus quem motum habeat.</i>	137
<i>Crambe divina.</i>	86
<i>per eam jurabant veteres.</i>	86
<i>Diarrhoea puerpera salutavis.</i>	83
<i>Fascinatio.</i>	37
<i>Febris, Dea.</i>	8
<i>Fluidum commune, seu materia subtilis quomodo corpus afficit.</i>	19
<i>an ex illo prima rudimenta partium fetus.</i>	20
K	5
	Flui-

# I N D E X.

Fluidum externum.	141
Fœtus sanguine materno in utero non nutritur.	16
Sed ore colliquamentum sugit.	17
Famana Herba descriptio.	91
Icon.	93
Nomen unde derivatum.	96
an Trithymali species.	98.99
an Chamomilla species.	99
an coronatarum vel vasculosarum planta- rum genus.	100
an Bellidis species.	101
an Coris legitima.	102.103.104
an ad Genistellas accodat.	105
an Pseudo-Panax Chironium.	105.106
an Cisti species.	106.107.110
an Chamacistus.	108.111.113
an Helianthemum.	109.112
Funda.	142.150
Fundus Uteri, an mascula terminatione dici pos- sit.	148
Genita Mane Romani vota faciebant.	2
ei canes immolati.	3
Gestationis exercitium.	12
Glandula Criba sunt. 68. Eorum usus.	ibid.
Glandula duæ in inguine Gliris.	72
Glandulosi tubuli intestinorum.	70
Glandulosi tubuli supra ventriculum Avium, unde humor resolvens.	71
Glan-	

# I N D E X.

Glandulosi tubuli circa <u>canalem alimentorum Cy-</u> <u>gni.</u>	71
Hecata à Græcis canes immolati.	3
Helleborus niger roseus Bauhini quomodo colorem mutet.	101
Humor alimenta resolvens.	142
in Avibus unde.	71
Iuno Lucina.	8
Iunoni à Romanis soboles commendabatur.	6
Lacca Tinctura vera.	66
Lalli vel nanie Nutricum.	10
Lallus Deus.	11
Linea Petia.	54
Lymphatica Vasa Parentis.	69. 146
de Menstruata Muliere Lex Divina ceremonialis.	14
Menstruus sanguis per se non vitiosus.	13
Moscum redolent :	
Cercopithecus.	74
Murium sylvestrium stercus.	75
Mustela majoris excrementa.	74
Serpentum Lingua.	75
Vulva Bubalina exsiccata.	ibid.
Musculorum primus motus non est arbitrii nostri.	
136	
Musculus omnis an habeat motum omnem volunta- rium.	136
Mutinus Deus apud Romanos.	38
Oesypo ovis venæ verticis adusta.	53
Oesy-	

# I N D E X.

<i>Oesypus pro lana succida.</i>	53
<i>quomodo succus extrahatur.</i>	54
<i>Oleo cibos condiebant veteres.</i>	87
<i>Oleum à lacte, i. e. Butyrum.</i>	87
<i>Opil optima correctio.</i>	51
<i>Ova monstrosa.</i>	48
<i>Ovarium in mulieribus.</i>	41
<i>in Gallo nullum.</i>	45
<i>Ovi imprægnationis modus.</i>	43. 44
<i>de hoc Benj. à Broeckhuyfen opinio.</i>	43
<i>Ovum primis diebus in oviductu liberum.</i>	21
<i>Pardalis suavi odore ad se feras allicere dicitur.</i>	73
<i>Partes solida corporis elaboratoria immeritò dicuntur.</i>	144
<i>Plantarum omnia genera à seminis producendi modo.</i>	
102. 111.	
<i>Pori corporum.</i>	70
<i>Primula Veris radix odore anisi.</i>	76
<i>Pullities Ægyptiaca.</i>	46
<i>P'áΦarov &amp; ηεξιμελευ confuderunt Graci.</i>	85
<i>Receptaculum totum sanguineum pro vase sanguificationis.</i>	138
<i>Renum structura.</i>	69
<i>Res turpicula.</i>	38
<i>Sanguinis à variis injectis liquoribus mutatio.</i>	122
<i>Sanguinis conservatio quomodo fiat.</i>	139
<i>Ejus conservationi quomodo motus &amp; sensus organa inserviunt.</i>	139. 140
San-	

# I N D E X.

<i>Sanguinis incrementi triplex materia.</i>	141
<i>Sanguinis naturam chylus quomodo acquirit.</i>	144
<i>Sanguis maternus, sub forma sanguinis, non ingreditur vel ovum vel foetum.</i>	21
<i>Semen virile non manet in utero.</i>	44
<i>Sepulchra veterum si aperiantur, oculorum inducere caliginem creduntur.</i>	36
<i>Serpentes in ovis.</i>	48
<i>ut Similes nascerentur liberi optabant Romani veteres.</i>	3
<i>in Spermaticas &amp; sanguineas partes Anatomicorum divisio falsa.</i>	20
<i>Styptica aqua virtus.</i>	115
<i>an Ejus usus internus tutus.</i>	117
<i>an in sputo sanguinis conducatur.</i>	118
<i>de ejus Externo usu Experimenta Fr. Redi.</i>	123. & seqq.
<i>Suggrundarium.</i>	26
<i>Superficies corporis communis.</i>	19
<i>Externa vel exterius sita vel interius retracta.</i>	18
<i>Interna.</i>	19
<i>Suppuratio, an Latinum.</i>	147
<i>Symphyti radix in Vino hausta fauces pracludit.</i>	118
<i>Frustrulis carnis incocta, ea in unum coagulantur.</i>	119
<i>Valvula carnea in Apium dextro Cordis ventriculo.</i>	134
	Variola



# I N D E X.

<i>Variola sanguini materno originem non debent.</i>	<u>13</u>
<i>sed aëri contagioso.</i>	23
<i>Earum malignitas.</i>	<u>24</u>
<i>Vesicula circa podicem Felis Zibethica.</i>	<u>74</u>
<i>Violaceus odor in cauda Vulpina.</i>	<u>72</u>
<i>unde sit.</i>	76. <u>78</u>
<i>in Vitriolorum exhibitione <u>cautela.</u></i>	<u>120</u>
<i>Vota pro salute Infantum.</i>	<u>5</u>
<i>Urſi quid à pedibus anterioribus hyeme exſugant.</i>	<u>77</u>
<i>Unde illud veniat.</i>	77
<i>in Uſtione Lybica venarum verticis, conſiderata</i>	
<i>atas.</i>	55
<i>locus affectus.</i>	56
<i>cauſa uſtionis.</i>	<u>61</u>
<i>inſtrumentum operationis.</i>	ibid.
<i>Uterus interſuperficiem corporis externam interius</i>	
<i>retractam.</i>	20
<i>Uterus quomodo ad excretionem irritatur.</i>	<u>22</u>
<i>Uterus Navis.</i>	<u>148</u>
<i>in Vulpina cauda odor aromaticus.</i>	65
<i>Glandula minuta conglomerata.</i>	<u>67</u>
<i>Zibethum an ſit ſudor animalis.</i>	<u>78</u>
<i>Zibinii montis deſcriptio.</i>	<u>92.95</u>
<i>Varia denominationes.</i>	94.95

## F I N I S.













